

四庫全書

集部

欽定四庫全書

補注杜詩卷二十四

宋 黃希 原本

黃鶴 補注

戲作寄上漢中王二首

王新誕明珠  
廣德元年作

補注

鶴曰詩云秋風嫋嫋吹江漢當是在梓州作與說月詩同時乃廣德元年

雲裏不聞雙鴈過掌中貪見一珠新

洙曰三輔決錄曰孔融見韋乞將其

父書曰不意雙珠生於老蚌蘇曰馬

梵賀人有子曰欣得掌中之一珠 秋風嫋嫋吹江漢

洙曰謝靈運嫋嫋秋風過

湘夫人云嫋嫋兮秋風 只在他鄉何處人

謝安舟楫風還起

洙曰謝安嘗與孫綽等泛海風起浪湧諸人並懼安吟嘯自若舟人以安

為悅猶去不止風轉急安徐曰如此將何歸耶舟人默然即回眾咸服其雅量

梁苑池臺雪欲

飛

洙曰謝靈運雪賦歲將暮時既昏寒風積愁雲繁梁王不悅游於兔園俄而微霰零密雪下

杳杳

東山攜漢妓

洙曰謝靈運攜妓游東山趙曰戲言漢中王謝安攜妓東山之興杳杳然

泠泠

修竹待王歸

洙曰修竹梁孝王園名也續漢書梁王免園多植竹即所謂修竹園地志云孝王

東苑方三百里苑中有鴈池修竹園

投簡梓州幕府兼簡韋十郎官

補注

鶴曰梁權道編在寶應元年梓州作然詩云幕下郎官安穩無從來不奉一行書則

不在梓州作當是在漢州以後篇知之

幕下郎官安穩無

趙曰出佛書問世尊曰世尊安穩否

從來不奉一行書

補注

希曰幕下郎官謂韋十以郎官而入梓州之幕唐多以朝士入州幕如韋應物寄洪州幕府盧侍御

是也應物詩亦云冰壺幕下清

因知貧病人須棄能使韋郎跡也疎

答楊梓州

廣德元年作

補注

鶴曰詩云悶到房公池水頭坐逢楊子鎮東州蓋謂公在漢州過楊也當是廣德元

年再至漢

州時作

悶到楊

洙曰一作房

公池水頭坐逢楊子鎮東州

洙曰梓州東州也

却向青溪不相見回船應載阿戎遊

洙曰阮籍謂王渾曰與卿語不若與

阿戎談阿戎謂王戎也渾之子師曰楊梓州先人嘗守

鑿池一百頃引水爲農田利今在梓州青溪之西號楊

公池今子又再守此州故補注希曰鑿池百頃爲農田

甫詩有載阿戎遊之詩載不知師注何所本楊公作房公爲是蓋公在漢州逢

楊子去守梓州也若池爲楊公池在梓州其子又從而

鎮此州詩必不爾云也

**贈韋贇善別**寶應元年作

**補注**鶴曰詩云扶病送君發自憐猶未歸江漢

故人少音書從此稀當是寶應元年梓州

作公又有贈韋贇善詩梁權道編在大曆五年

潭州則韋亦流轉南州不得歸也韋乃韋見素

之後詳見後注唐志東宮有一名贊善大夫各五人掌傳令諷過失贊禮儀

扶病送君發自憐猶不歸祇應盡客淚復作掩荆扉江

漢故人少音書從此稀往還二十載歲晚寸心違蘇曰張季

鷹秋日北園詩旅途驚歲晚歸興與心違工部用語補綴尤有工巧了不見痕迹後進可爲師範

送李卿煜廣德元年作

補注鶴曰詩云王子思歸日長安已亂兵需衣問行在走馬向承明當是廣德元年十二

月作按宗室世系表煜大鄭王房淮安忠公琇之子終刑部侍郎

王子思歸日長安已亂兵趙曰王子指李煜時有吐蕃之亂也霑衣問行

在趙曰代宗車駕出幸陝也

走馬向承明

趙曰承明漢殿名

暮景巴蜀僻春

風江漢清晉山雖自棄魏闕尚舍情

趙曰按宣室志載庶史有道士尹君

者隱晉山不食粟嘗餌栢葉北門從事嚴綬敬事之莊子言身在江湖之上心遊魏闕之下

絕句

趙曰或云江邊踏青乃成都事每以三月三日出郊言踐踏青草故謂之踏青 廣德元

年

補注

鶴曰梁權道編在寶應元年梓州作按公是年夏送嚴武至綿州尋避亂至梓已

秋豈踏青之時當是廣德元年春

江邊踏青罷迴首見旌旗風起春城暮高樓鼓角悲

可修

曰唐李綽歲時記云三月上已有錫宴羣  
臣於曲江傾都人物於江頭楔飲踏青  
補注希曰盧

餉儀三月三日  
上踏青鞋

### 九日登梓州城

寶應元年作

補注

鶴曰公於寶應元年廣德元年皆在梓州今以後篇詩云去年登高鄴縣北考之則

此詩在寶應元年作此詩云兵戈與關塞此日意無窮蓋指史朝義之亂未已而黨項羌又入也

伊昔黃花酒如今白髮翁追歡筋力異望遠歲時同弟

妹悲歌裏朝廷醉眼中  
蘇曰索休曰近幾子胥  
朝廷在吾醉眼中矣  
兵戈與



關塞

趙曰兵戈以言戰關關塞以言屯戍時吐蕃之亂既戰復守也

此日意無窮

九日奉寄嚴大夫

趙曰時嚴武歸朝以御史中丞進爲大夫故云

補注

鶴曰嚴武以寶應元年夏赴召公送至綿尋入梓故有何路出巴山之句蔡興宗魯

嘗年譜所載同然武夏離成都而九日尚在巴嶺何其遲遲如此必是路梗

九日應愁思經時冒險艱不眠持漢節

趙曰謂嚴武充明皇肅宗山陵

橋道

補注

希曰高帝紀注師古曰節以毛爲之上下相重取象竹節因以爲名將命者持之以爲信

趙注以爲武充橋道使故云殊非是時武未到關尚在巴嶺也

何路出巴山

趙曰公自言也蓋公

時方在梓久客厭倦而欲出耳

小驛香醪嫩重巖細菊斑遙知簇鞍馬

迴首白雲間

趙曰公遙想其簇鞍馬而迴首白雲以望之北巖武所謂杜二見憶者謂此也

巴嶺答杜二見憶

巖武作

卧向巴山落月時

趙曰指言杜公也

兩鄉千里夢相思

趙曰巖與杜各

在一鄉相去千里而夢想之也

可但步兵偏愛酒

洙曰阮籍聞步兵厨多美酒營人善釀求

尉為校尉

也知光祿最能詩

洙曰謝光祿名莊字希逸所著文章四百餘首仕至光祿大夫

江頭赤葉楓愁客

洙曰楚辭湛湛江水兮上有楓

籬外黃花菊對誰

趙曰

列以問杜公也使淵明採菊東籬下句

跋馬望君非一度

趙曰答杜前篇簇鞍馬之語

冷猿秋鴈不勝悲

薛曰此詩洪覺謂之滑吞蘇李體見前卷題省中院壁注

懷舊

趙曰懷蘇源明也公平生所最善今已死而追悼之故曰懷舊 永泰元年作

補注

鶴曰詩云地下蘇司業蓋指源明也源明以廣德二年死此詩當作於永泰元年是

年公在成都亦有哭蘇少監鄭司戶詩梁權道編此詩於雲安作

地下蘇司業親情獨有君

洙曰司業即源明也新史云雅善杜甫

那因喪

一作

亂後鄭曰喪息郎切便有一作

死生分老罷

知明鏡悲來

望白雲自從失詞伯不復更論文

趙曰王充論衡文詞之伯師曰時源明已

死故云地下知明鏡言覽鏡知其衰老古有白雲篇觀蘇之篇詠則情不勝其悲

所思

趙曰古樂府云有所思故公倚以爲題度以祿山之汙貶台州司戶 乾元二年作

補注

鶴曰鄭虔之貶在至德二載十二月其去在乾元元年是時公在諫省而此詩云台

州信所傳何也無乃議罪之時公不與間既謂之信所傳則當是乾元二年未去諫省時作

鄭老身仍竄台州信

洙曰一作始

所傳

洙曰鄭老虔也

爲農

山澗曲卧病海雲邊世已疎

蘇曰梁珩世方用兵

典謨慮後此掃地

人猶乞酒錢

洙曰公嘗贈虔詩云賴得蘇司業時與酒錢

徒勞望

牛斗無計斲龍泉

趙曰使牛斗之間有紫氣龍泉劍名也斲之爲言掘也以劍比虔之在台

州如劍之埋於土中徒望其衝牛斗之氣無由掘顯之也師曰台州屬吳應牛斗之域昔雷煥掘劍於豐城

獄上常有紫氣夜衝牛斗斲謂掘取之也喻虔有衝斗氣朝廷不用故云無計斲龍泉

不見

魯曰近無李白消息  
乾元二年作

補注

鶴曰詩云不見李生久蓋以公自開元中與白同遊齊充至乾元元年白流夜郎時

可謂久矣此詩當是二年作故云世人皆欲殺  
梁權道編在寶應元年梓州作不知是年白已

死矣

不見李生久佯狂真可哀

趙曰箕子被髮佯狂唐史載以永王璘之累流夜郎世

人皆欲殺

趙曰白會赦還潯陽坐事下獄此衆人欲殺之證也

吾意獨憐才敏捷

詩千首飄零酒一杯匡山讀書處

鄭曰匡廬山也頭白好歸來

洙曰新史載白始隱岷山後客任城居徂徠山而不載匡山也修可曰范傳正李白新墓碑云白之先客居蜀

之彰明太白生焉彰明綿之屬邑有小大匡山白讀書於大匡山有讀書臺尚存其宅在清廉鄉後廢爲僧房號隴西院蓋以太白得名所謂匡補注鶴曰李白望廬山乃彰明之大匡山非匡廬也

九江秀色可攬結吾將此地鎖雲松望廬山瀑布水詩云而我遊名山對之心益閒且諧宿所好永願辭人間又南康軍圖經云李白性喜名山飄然有物外志以廬阜水石佳處遂往遊焉至五老峯愛其險峭奇勝曰天下之壯觀也卜築於此吾將老焉今峯下有書堂舊基白後北歸猶不忍去乃指廬山曰與君再會不敢寒盟丹崖綠壑神其鑒之故白送姪嵩遊廬山序又云慙未歸於名山指廬山而言也然則指廬山而言亦未必不是元和十二年丁酉

白樂天有祭匡山文

題玄武禪師屋壁

寶應元年作

補注杜詩

補注

鶴曰高僧傳宋曇摩密多爲連眉禪師又爲大禪師蓋師之尊稱也以舊次前後篇

詩觀之當是寶

應元年梓州作

何年顧虎頭

趙曰世說載顧愷之爲虎頭將軍舊注以爲僧相誤矣

滿壁畫滄洲

修可曰顧愷之小字虎頭晉陵無錫人多才氣尤工丹青傳寫形勢莫不絕妙曾於瓦棺寺北殿畫維摩詰畫月餘光耀

赤日石林氣青天江海

洙曰一作水

流錫飛常近鶴

洙曰天台賦振金策之鈴鈴飛錫杖也田曰圖經舒州潛山最奇絕而山麓尤勝誌公與白鶴道人欲之同謀於梁武帝帝以二人悉具靈通俾各以物識其地得者居之道人云某以鶴止處爲記誌公云某以卓錫處爲記已而鶴先飛去至麓將止忽聞空中錫飛聲誌公之錫遂卓於山麓道人不憚然以前言不可食遂各以所

識筭室焉。杯渡不驚鷗。洙曰：高僧傳：杯渡者，不知其名，姓常。乘木杯渡河，因名焉。不修細行，不甚

精持飲酒，食肉與俗人不殊。趙曰：傳燈錄載劉宋時杯渡者，不知姓名，嘗乘木杯渡水，嘗宿一家，竊一金像去。

主人追之，至孟津浮木杯渡河，無假風，掉輕疾如飛，不驚鷗。使列子海人有狎鷗之意。似得廬山

路真隨惠遠遊。洙曰：世說：遠公在廬山，雖老講論不輟。弟子中或有墮者，遠公曰：桑榆之光，理

無遠照，但願朝陽之輝，時與並光明耳。沈曰：昔陶淵明與惠遠遊，從結白蓮社，甫以比之。

### 聞官軍收河南河北

新添 廣德元年春作

補注 鶴曰：按通鑑史朝義屢敗於寶應元年之冬，至廣德元年田承嗣說令親往幽州發

兵還，穎莫州請自留守，莫州朝義既去，承嗣即以城降，送朝義母妻子於官軍，又范陽節度使



李懷仙已因中使駱奉仙請降至溫泉驛懷仙遣兵追之朝義窮蹙繼於林中今詩云劍外忽傳收薊北正謂此也又云青春作伴好還鄉乃廣德元年春作

劍外忽傳收薊北初聞涕淚滿衣裳却看妻子愁何在

漫卷詩書喜欲狂

趙曰讀書之際聞已收薊北得妻子有長聚之慶所以漫卷之而喜欲至

於狂也

白首放歌須縱酒青春作伴好還鄉即從巴峽穿

巫峽便下襄陽向洛陽

余曰田園在東京

涪江泛舟送韋班歸京

得山字 廣德元年春作

補注鶴曰涪江在梓州故有涪城縣詩云傷春一水間當是廣德元年春在梓州作

追餞同舟日傷春

洙曰一作心

一一水間

趙曰古詩云相望一水間

飄零爲

客久衰老羨君還花遠

洙曰一作雜

重重樹雲輕處處山

趙曰

一作花遠非蓋重重樹則已有遠意不可疊用也

天涯故人少更益鬢毛斑

春日梓州登樓二首

廣德元年春作

補注

鶴曰詩云江水流城郭春風入鼓鞞當是廣德元年春作又云戰場今始定蓋以史

朝義已死

行路難如此登樓望欲迷身無却少壯跡有但羈栖江

水流城郭春風入鼓鞞

洙曰石勒聞鼓鞞之聲

雙雙新燕子依舊

已銜泥

洙曰古詩思爲雙飛燕銜泥巢君堂師曰甫言久容一身羈栖今日登樓所見景物如此不無

所感

天畔登樓眼隨春

洙曰一作風

入故園

趙曰指洛陽也

戰場今始定

移柳更

洙曰一作豈

能存

趙曰史朝義已滅戰場雖定而故園舊所移柳更能存乎更疑辭也

補注

希曰李華曰此古戰場也常覆三軍今云定則不復用兵矣移柳正用陶依課諸營種柳事言既寢

兵則可移柳而柳亦可存也

厭蜀交遊冷

蘇曰廖岸遷居人問其故曰厭此交態寒冷故有所

適思吳勝事繁

歐曰晉張翰守官於洛及秋風起忽思吳萼菜鱸魚之興遂棄官歸甫既厭蜀

欲適吳楚故有思吳之句

應須理舟楫長嘯下荆門

定功曰袁山松宜都山川記曰

南崖有山名荆門北崖有山  
名虎牙二山相對有象門然

遣憤

永泰元年作

補注

鶴曰詩云聞道花門將論功未盡歸當是  
永泰元年子儀與回紇再盟藥葛羅帥衆

追吐蕃子儀使白元光帥精騎與之俱殺吐蕃  
於靈臺西原萬計又破之於涇州於是回紇胡  
祿督等二百餘人入見前後贈賚繒帛十萬疋  
府藏空竭稅百官俸以給之此所以爲可憤也  
事見通鑑詩云蜂蠆終含毒雷霆可震威莫令  
鞭血地再濕漢臣衣可謂身在江湖而心存王  
也室

聞道花門將

洙曰

回紇也

論功未盡歸自從收帝里

趙曰長安也

誰復總戎機蜂蠆終懷毒

洙曰左傳君無謂邾小蜂蠆有毒沉國乎蘇曰武黨廟記

張良謂蕭何曰黥布輩如蜂蠆逐時暫親近人其懷毒之性不革

雷霆可震威

洙曰賈山傳人

性之威非特雷霆也趙曰大意以回紇助討史朝義恐其恃功難制欲早加威以絕止之

莫令鞭血

地再濕漢臣衣

洙曰時回紇恃功陵暴此詩之作蓋有所警也師曰祿山亂回紇以兵助討賊

其後恃功桀驁故蜂蠆終懷毒欲帝震之以威無使彼再蹈祿山之陷京闕也漢書云禁中非刑人鞭血之地

鞭血地指禁中也花門將即回紇之將

送竇九歸成都

廣德元年作

補注

鶴曰竇九意是檢察竇侍郎者故詩云持節廣德元年梓州作

文章亦不盡寶子才縱橫非爾更持節何人符大名讀  
書雲閣觀問絹錦官城我有浣花竹題詩須一行

贈裴南部

新添廣德元年作

補注

鶴曰南部縣名屬閬州詩云塵滿萊蕪甑堂橫單父琴是裴為南部宰元年公至閬

州時贈之

塵滿萊蕪甑堂橫單父琴

蘇曰范丹字史雲為萊蕪令清貧人歌曰釜中生魚范萊

蕪甑中生塵范史雲宓子賤為單父宰彈琴不下堂而治

人皆知飲水公輩不偷金

本中曰鄧攸為吳郡載米之郡惟飲吳水而已同舍郎誣直不疑偷金不疑買償之

梁獄書應作

去聲秦臺鏡欲臨獨醒時所嫉羣小謗能深即出黃沙在  
應須白髮侵使君傳舊德已見直繩心

奉送崔都水翁下峽

新添廣德元年作

補注

鶴曰詩云無數涪江筏當是廣德元年梓州作觀末句則知公有意於到夔矣

無數涪江筏

鄭曰筏房越切海中桴

鳴橈總發時

鄭曰橈如招切楫也

別離

終不久宗族忍相遺白狗黃牛峽

鄭曰十道志開州有白狗峽又有黃牛峽

朝雲暮雨祠所過憑問訊

過古禾切

到日自題詩

鄆城西原送李判官兄武判官弟赴成都府

鄭曰鄆七

稽切縣名  
在梓州

補注

鶴曰詩云野花隨處發官柳  
著行新當是廣德元年春作

憑高送所親久坐惜芳辰遠水非無浪

趙曰以言其他  
行路之辛苦

山自有春

蘇曰阮咸歸陳留咸曰看洛中春罷去王尚  
曰他山春色甚可人意清泉白石清人耳目

比洛中無  
塵土氣味

野花隨處發官

洙曰一  
作妖

柳著行新

行胡  
岡切

天際

傷愁別離筵何太頻

師曰甫與二判官於情最親臨此  
送別言其此去如遠水不能無風

浪他山雖有春兄弟不得同賞以至  
野花官柳觸目使人不能無傷感也

題鄆原郭三十二明府茅屋壁

與前篇  
同時作



補注

鶴曰詩云雲散灌壇雨春青彭澤田當是在梓州作與前篇同時

江頭且繫船為爾獨相憐雲散灌壇雨

鄭曰博物志太公為灌壇令

春青彭澤田補注

希曰彭澤縣名雖在江州以郭明府為縣令故用淵明事淵明有田種秫

頻驚適小國一擬問高天補注

希曰楚辭有天問

別後巴東路

逢人問幾賢

客夜

寶應元年作

補注

鶴曰公寶應元年自綿至梓時家在成都秋晚方迎家再至梓今云老妻書數紙應

悉未歸情當是在梓州作若如梁權道編在是年閬州詩內則家固同在也

客睡何曾著秋天不肯明入簾殘月影高枕遠江聲補

注

希曰葉挺嘗云客睡何曾著秋天不肯明工在不肯字入簾一本作捲簾計拙無衣食途

窮仗友生

洙曰見今日暮途窮注伐木詩不如友生

老妻書數紙應悉未歸

情

陪王侍御宴通泉東山野亭

寶應元年作

補注

鶴曰通泉縣名屬梓州當是寶應元年冬十一月公至通泉時作梁權道編在廣德

元年非惟蔡興宗魯嘗年譜編在寶應元年

江水東流去清樽日復斜異方同宴賞何處是京華亭

景臨山水村煙對浦沙狂歌遇形勝得醉即爲家

蘇曰  
阮宣

飄流往來人間居止何地曰得醉處即爲家

客亭

寶應元年秋作

補注

鶴曰與客夜詩同是寶應元年秋在梓州作

秋窓猶曙色落木更天

洙曰一作高

風日出寒山外江流宿

霧中聖朝無棄物

蘇曰王祥聖世物無大小皆料材適用無棄擲者

老病已成

一作衰

翁多少殘生事飄零似轉蓬

行次鹽亭縣聊題四韻奉簡嚴遂州蓬州二使君

詔議諸昆季

廣德元年作

曾曰此詩奉簡嚴遂州兩兄弟以比蜀之名士補注

鶴曰鹽亭縣屬梓州當是廣德元年

公自梓州至鹽亭時作公是年春夏在梓鹽亭縣在梓州東九十里遂州與梓州為鄰蓬州則鄰於閬州而閬與梓又為鄰也嚴非梓州人則所領州近梓故公有此詩

馬首見鹽亭高山擁縣青雲溪花淡淡

洙曰一作漠漠

春郭水

泠泠全蜀多名士

洙曰蜀都賦近則江漢炳靈世載其英鬱若相如嶠若君平王褒眈眈而

秀發揚雄含章而挺生趙曰多名士指言當日之人

嚴家聚德星

洙曰陳仲子從諸子造荀季和

德星聚太史奏賢人聚也

長歌意無極好為老夫聽

倚杖

洙曰鹽亭縣作趙曰鮑昭有倚杖牧雞豚之句故公倚以爲題 廣德元年春作

補注

鶴曰詩云山縣早休市江橋春聚船當是廣德元年春作

看花雖郭外倚杖即溪邊山縣早休市江橋春聚船狎

洙曰一

鷗輕白浪

洙曰子列子有狎鷗翁言忘機故物亦不懼趙曰言可狎之鷗遊泳乎白

浪之

歸鴈一作鳥

喜青天物色兼生意淒涼憶去年

泛江送魏十八倉曹還京因寄岑中允參范郎中

季明

廣德元年作

補注

鶴曰詩云帝鄉愁緒外春色淚痕邊指玄宗肅宗將葬當是廣德元年梓州作是年

岑參自號州長史  
歸為太子中允

遲日深春

洙曰一水日遲遲

輕舟送別筵帝鄉愁緒

外春色淚痕邊見酒須相憶將詩莫浪傳

補注希曰朝野僉載

咸亨中謠曰莫浪傳阿婆瞋

若逢岑與范為報各衰年

送路六侍御入朝

廣德元年春作

補注

鶴曰詩云劔南春色還無賴觸忤愁人到酒邊當是廣德元年春梓州作

童稚情親四十年

洙曰言相得於總角

中間消息兩茫然更為後

會知何地忽漫相逢是別筵不分桃花紅似錦

蘇曰李夫人病

起南園桃花盛開李不悅武帝問其故李曰不分桃花如錦惱人病眼帝感其言遂去其花爲一國笑生

憎柳絮白於綿劍南春色還無賴觸忤愁人到酒邊

師曰

甫與路侍御相得於總角之時中間不得消息未知後會在何處言今春色使人愁悶不若以酒消遣之

泛江送客

廣德元年作

補注

鶴曰詩云二月頻送客東津江欲平常是廣德元年公暫遊左綿時作東津在綿州

按打魚歌云綿州江水之東津

二月頻送客東津江欲平煙花山際重舟楫浪前輕淚

逐勸杯落愁連吹笛生

洙曰馬融去京踰年有洛客離逆旅吹笛暫聞之甚悲感

筵不隔日那得易爲情

洙曰離筵  
祖席也

上牛頭寺

廣德元  
年作

補注

鶴曰寺在梓州當是廣德元年作牛頭山在梓州九州記云葛仙翁嘗遊於此

青山意不盡袞袞上牛頭

趙曰袞袞相繼不絕之義補注

希曰寰宇記云牛頭

山在梓州郫縣西南二里高一里形似牛頭四面孤絕下有長樂寺樓閣煙花爲一方之勝

無復能

拘礙真成浪出遊花濃春寺靜竹細野池幽何處鶯啼

切移時獨未休

望牛頭寺

廣德元  
年作



補注

鶴曰詩云春色浮山外而上篇云  
濃花春寺靜當是與之同時作

牛頭見鶴林

適曰鶴林即靈仙觀也

梯逕繞幽深

麗一作秀

春

色浮

洙曰一作流

山外天河宿

洙曰一作沒

殿陰

詠曰言殿高

傳

燈無白日

洙曰釋書以燈諭法謂能破暗也六祖相傳  
一法故云傳燈故釋書有傳燈錄趙曰此言

長明燈也借傳燈字言之所以照  
夜而白日亦有燈故云無白日

布地有黃金

洙曰見長者自

布地注趙曰言佛  
宇有黃金布地

休作狂歌老回看不住心

洙曰釋書有不住相

趙曰佛書有住相而公用之取  
於無所住而生其心之義也

上堯率寺

堯當  
侯切

補注

鶴曰寺在梓州當是廣德元年作

兜率知名寺

洙曰佛書有兜率天宮故取以名寺

真如會法堂

洙曰真如禪理也趙

曰佛書言真如實際

江山有巴蜀

趙曰江山自有巴蜀時便有此乃羊叔子所謂自有宇宙來

便有此山之義

補注

鶴曰此謂江山占巴郡蜀郡之地蓋劔南道古梁州之域漢巴郡蜀郡之地寺在梓

州故云非謂江山自有巴蜀時便有之

棟宇自齊梁庾信哀雖久何顥好

不忘

洙曰何顥後漢人尚氣節感友人之義與李膺善後為宦者所陷亡匿汝南間所至皆稱其豪傑表

紹愛慕之私與往來結奔走之友趙曰庾信作哀江南賦所以哀者以金陵瓦解而身竄荒谷後漢黨事起顥

私入洛陽後袁紹計議其為求救援以濟其患蓋公言身已流離有庾信之哀而哀愁之中不忘交好何顥者

有救之之心也師曰言甫所至爲人所  
好詩所謂在彼無惡在此無斃是也  
法華經云有太白牛肥壯多  
力以駕寶車蓋喻大乘也  
且欲上慈航  
涼禪師序般  
若心經云般若者苦海  
之慈航昏衢之巨燭也

### 望兜率寺

補注

鶴曰與前  
篇同時作

樹密當山徑江深隔寺門  
霏霏雲氣重洙曰九章曰霏  
雷紛其無垠兮

雲霏霏而乘字閃閃浪花翻不復知天大  
空餘見佛尊時應清

盥罷隨喜給孤園

洙曰釋書有給孤  
園又有給孤長者

甘園

廣德元年作

補注

鶴曰詩云春日清江岸又云白雪避花繁橘之開花在春晚當是廣德元年作

春日清江岸千甘二頃園青雲著

洙曰一作羞

葉密白雪避

花繁

洙曰郭璞柑贊花染繁霜葉鮮翠籃趙曰本言密葉如雲白花如雪而變其語云雲羞雪避乃公新

奇之

結子隨邊使開筒近至尊

洙曰蜀柑歲入貢蘇曰隋文帝好食柑蜀中摘

董柑即以蠟汗其蒂用筠籃盛封之使不泄香氣

後於桃李熟終得獻金門

洙曰

公自記意於章末

數陪李梓州泛江有女樂在諸舫戲爲豔曲二首

廣德元年春作

補注

鶴曰詩云競將明媚景偷眼  
豔陽天當是廣德元年春作

上客迴空騎佳人滿近船江清歌扇底

洙曰以扇自障而歌故謂之歌

扇野曠舞衣前玉袖凌風並金壺隱浪偏補注

希曰玉袖如霍

光傳所謂玉衣子虛賦所謂玉綏蓋以玉爲飾也

競將明媚色偷眼豔陽天

洙曰

一作年趙曰公言佳人自衒其美色偷眼瞻視春光以爭相勝之意鮑明遠詩茲辰自爲美當避豔陽天

白日移歌袖青霄近笛牀翠眉紫度曲

鮑曰古詩云度曲翠眉低

補

注

鶴曰前漢元帝紀自度曲被歌聲應劭曰自隱度作新曲因持新曲以爲歌詩聲也臣瓚曰度曲謂歌終

更授其次謂之度曲西京賦曰度曲未終雲起雪飛張衡舞賦亦曰度終復位次受二八師古曰應荀二說皆是雲鬢儼分行立馬千山暮迴舟一水香使君自有婦

莫學野鴛鴦

修可曰古樂府陌上桑羅敷行云使君謝羅敷寧可共載車羅敷前致詞使君一何

愚使君自有婦羅敷自有夫李梓州泛江有女樂公用此以諷之

登牛頭山亭子

廣德元年作

補注

鶴曰詩云猶殘數行淚忍對百花叢當是廣德元年作與上牛頭寺同一時作

路出雙林外亭窺萬井中

洙曰市井也

江城孤照日山

洙曰一作春

谷遠含風兵革身將老關河信不通

趙曰吐蕃猶盛也

猶殘數

行淚忍對百花叢

陪李梓州王閬州蘇遂州李果州四使君登惠義

寺

廣德元年春作

補注鶴曰詩云春日無人境又云鶯花隨世界當是廣德元年春在梓州作魯訾年譜亦

云在是年

春日無人境虛空不住天

修可曰取佛書不住相意謂天運無常以成四時覺範曰

不住者言無著也

鶯花隨世界樓閣倚山巔

洙曰倚一作寄爾雅釋名山頂曰冢

亦曰巔

遲暮身何得

洙曰言衰老而未有所得也

登臨意惘然誰能解

金印

趙曰所以諷四使君也

瀟洒共安禪

洙曰一云三軍將五馬若箇合安禪蘇曰王得

至少室山寺愛其瀟洒顧弟待曰好解金印共此安禪庶免榮華之累弟笑而不答

補注

希曰法華經偈

曰安禪合掌

送何侍御歸朝

彦輔曰李梓州泛舟筵上作廣德元年作

補注

鶴曰詩云舟楫諸侯餞又云春日垂霜鬢當是廣德元年泛江作

舟楫諸侯餞

趙曰言李梓州作泛舟之筵也

車輿使者歸

洙曰御史乃使者

山

花相映發水鳥自孤飛春日垂霜鬢天隅把繡衣

洙曰漢御

史繡衣持斧

故人從此去

洙曰一作遠

寥落寸心違



江亭送眉州辛別駕昇之

得無字 廣德元年作

補注

鶴曰公有江亭王閬州筵餞蕭遂州則江亭在閬州當是廣德二年春公在閬州作

梁權道編在梓州作恐非

柳影含雲幕

洙曰一作重

江波近酒壺異方驚會面終宴惜

征途

趙曰曹子建詩終宴不知疲

沙暖低風蝶天晴喜浴鳧別離傷

老大意緒日荒蕪

蘇曰孔孟傷別離情悰唯傷老大

涪城縣香積寺官閣

鄭曰涪城梓州縣廣德元年作

補注

鶴曰長安亦有香積寺代宗爲元帥率諸軍屯於香積寺是也此寺在梓州涪城縣

不得不以涪城縣冠寺名之上不如牛頭寺  
率寺直以寺言涪城在梓州西北五十五里詩  
云寺下春江深不流亦  
當是廣德元年春作

寺下春江深不流山腰官閣迥添愁含風翠壁孤雲細

背日丹楓萬木稠小院回廊春

洙曰一作青

寂寂浴鳧飛鷺

晚悠悠諸天合在藤蘿外昏黑應須到上頭

洙曰釋書有諸天皆

言勝樂事公之末章因以見志也蘇曰常琮侍煬帝遊寶山帝曰幾時到上方琮曰昏暗應須到上頭左右失笑帝曰淳古君子也

戲題寄上漢中王三首

寶應元年作

洙曰時王在梓州初王補注鶴曰按漢中王傳乃斷酒不飲篇中有戲

肅宗詔收羣臣馬

助戰瑀與魏少遊持不可帝怒貶蓬州長史而舊史魏少遊傳云率羣臣馬在乾元二年十月

今詩云成都老客星一別五愁螢謂公自乾元六年出華州時與王別至寶應元年爲五年則

公是年在成都故曰成都老客星而趙注謂此梓州詩爲非王注謂王時在梓州亦非蓋詩云

不能隨皂蓋則王尚在蓬州雖當更代而道便未得歸故詩又云羣盜無歸路今考此云不能

隨皂蓋及奉漢中王手札詩云剖符來蜀道皆是太守事疑史誤且魏少遊是時以衛尉卿貶

渠州長史而瑀以親王無容亦貶長史當是刺史而史誤爲長史無疑

西漢親王子

洙曰王讓皇帝之子汝南王璉弟也

補注

希曰蔡邕獨斷漢制皇子封王其實

諸侯也周末諸侯或稱王漢天子稱皇帝故以王號加之總名諸侯王封德彝曰漢所封惟帝子若親昆弟其屬遠非大功不立

成都老客星

洙曰公自喻也趙曰嚴武與百

年雙白鬢一別五秋

洙曰一作飛

螢

洙曰五飛螢則歲五換矣

忍斷杯中

物

蘇曰吳術好飲酒因醉詬權貴遂誠酒阮宣命飲術曰近斷飲宣歐其背曰看看老逼癡漢忍斷杯中物

耶抑而飲之

祇看座右銘

洙曰崔子玉有座右銘

不能隨皂蓋

趙曰皂蓋指漢

中王也漢二千補注希曰漢中王賈遂州長史長史別石朱輻皂蓋

車有屏星如刺史車豈皂蓋亦然耶

自醉逐浮萍

策杖時能出王門異昔遊

洙曰謂其斷酒也

已知嗟不起

師曰

酒得病

遂斷飲 未許醉相留蜀酒濃無敵

洙曰蜀都賦觴以醪清一醉累月 江

魚美可求終思一酩酊淨掃鴈池頭

鄭曰西京雜記梁孝王死有鴈池

羣盜無歸路衰顏會遠方尚憐詩警策

洙曰文賦立片言以居要乃一

篇之警策趙曰梁鍾嶸作詩品曰陳思贈弔仲宣七哀公幹思友阮籍詠懷靈運鄴中士衡擬古陶公詠貧之

製惠連搗衣之作皆五言之警策者 猶憶酒顛狂魯衛彌尊重

魯衛之政

兄弟也漢中王與 徐陳畧喪亡

洙曰魏文帝與王粲書云徐陳應劉一時俱逝

何數言之間零落畧盡 趙曰言王賓客多喪

空餘枚

洙曰一作故

叟在應念早升

堂

洙曰枚叟公自喻也 趙曰雪賦延枚叟

陪章留後侍御宴南樓

得風字 廣德元年作

補注

鶴曰按舊史梓州刺史章彝初爲武判官及是小不副意召赴成都殺之乃在廣德

二年再鎮成都時則前所謂李梓州者乃寶應元年及廣德元年之春在梓州而是年之夏至

二年則章侍御守梓州也此詩云朝廷燒棧比事亦在廣德元年當是其年夏末作

絕域長夏晚

趙曰非吾鄉而在遠亦可用絕域矣

補注

鶴曰凡材茂行可使絕域漢武帝詔

也當時絕域指匈奴遠國而言公今於蜀亦云者蓋蜀在漢亦夷地也

茲樓清宴同朝廷

燒棧北鼓角滿天東

洙曰謂在大散之北也高祖入漢張良說高祖燒絕棧道攻破大散

雅州在蜀之西地地多雨名漏天滿一作漏趙曰因宴南樓而望長安也

補注

鶴曰廣德元年吐蕃陷隴

右諸州詔焚大散關公在成都言之則燒棧北也是時  
史朝義已自殺東郡又隔年已無事鼓角不至於滿天  
東舊注漏天或是猶言朝廷在燒棧之北鼓角在漏天  
之東雅州屬西川而梓爲東川故也又寰宇記云雋州  
有漏天雋  
亦屬西川

屢食將軍第

蘇曰吳罕屢乞食於將軍第宥俱蒙魚味

仍騎御史

驄洙曰見憲府舊乘驄注唐曰甫以避亂食章公之宅騎章公之馬敘其恩禮之厚

本無丹竈

術洙曰道家燒丹之事修可曰江文通別賦華陰上士服食還仙術既妙而猶學道以寂而未傳守丹竈而

不顧鍊金鼎而方堅那兔白頭翁洙曰言無丹竈之術以延年也

寇盜狂歌外形

骸痛飲中

洙曰以酒自飲耳

野雲低渡水簷雨細隨風出號江

城里

趙曰夜傳號令此節度府之事也

題詩蠟炬紅趙曰言宴中明燭而題詩此身

醒復醉不擬哭途窮

洙曰阮籍以酒自隱故得免難出不由徑遇途窮則慟哭而反公自

言取籍之自隱於酒而不做其哭窮途也

臺上

得涼字

補注

鶴曰詩云改席臺能迴當是自南樓復宴臺上而作也

改席臺能迴

趙曰改席則自南樓改於臺上也

留門月復光雲霄遺暑

濕

洙曰蒸鬱也

山谷進風涼老去一杯足

洙曰不如生前一杯酒

誰憐

屢舞長

洙曰賓之初筵屢舞僂僂

何須把官燭似惱鬢毛蒼

送王十五判官扶侍還黔中

得開字 廣德元年作



補注

鶴曰詩云大家東征逐子回又云青青竹笋迎船出當是王侍母於夏初歸黔中郡

即黔州採訪使之所  
治舊次廣德元年

大家東征逐子回

洙曰後漢曹世叔妻者班彪之女名昭字惠姬和帝數召入官令王后貴

人師事焉號曰大家子殷爲陳留長垣縣長大家隨至官作東征賦以敘行李趙曰大家指言王判官母風

生洲渚錦帆開

洙曰場帝以錦爲帆

青青竹笋迎船出白白江魚

入饌來

修可曰楚國先賢傳孟宗至孝母好食笋冬月無之宗入林中哀號笋爲之生後漢烈女傳姜

詩及妻龐氏並至孝母好飲江水嗜魚鱠又不獨食夫婦嘗力作鱠呼鄰母共之舍側忽有泉湧味如江水每

日報出雙鯉常供二母之膳離別不堪無限意艱危深王判官侍母回黔故有此句

仗濟時才黔陽信使應稀少

鄭曰寰宇記黔州黔陽郡

莫怪頻頻勸

酒杯

蘇曰蕭鳳使玉門闕弟肅勸酒頻頻謂兄曰醉中庶使分袂不悲

隨章留後新亭會送諸君

新添廣德元年作

補注

鶴曰諸君一本作諸軍然作君者爲是新亭在梓州當是廣德元年作

新亭有高會行子得良時補注

希曰漢項羽傳飲酒有高會行子得良時亦楚

辭曰吉兮良辰又歷吉日兮吾將行之義

日動映江暮風鳴排檻旗絕鞏終

不改歡酒欲無詞已墮峴山淚

鄭曰在襄陽羊祜作鎮曰立碑記功於此因

題零雨詩

倦夜

廣德二年作

補注

鶴曰詩云竹涼侵卧内野月滿庭除當是在浣花作廣德二年自閬州歸未爲參謀

時詩又云萬事干戈裏蓋吐蕃之亂未已

竹涼侵卧内

趙曰漢書引卧内野月滿庭隅重露成涓滴

也稀

星乍有無

洙曰明滅也

暗飛螢自照

蘇曰王璠如飛螢自照言其勢焰尋常也

宿鳥相呼

陸鳥曰蜀都賦雲飛水宿修可曰師曠禽經曰棲水鳥曰宿又曰凡鳥朝鳴曰朝夜

鳴曰啾林鳥以朝朔水鳥以夜啾蘇

補注

希曰春秋繁露曰鶴水鳥

也夜半水立感其生氣則益喜而鳴

萬事干戈裏空悲清夜徂

師曰古詩云良馬白

日足壯士中夜心甫有感詩之志  
而不見用於時故空悲清夜徂

悲秋寶應元年作

補注鶴曰詩云家遠傳書日又云羣盜尚縱橫  
當是寶應元年秋在梓州未歸迎家時作

是時史朝義與吐蕃之亂未已

涼風動萬里羣盜尚縱橫家遠傳洙曰一書日秋來爲

客情洙曰此二事皆情意之極者愁窺高鳥過洙曰高鳥言東西南北猶得所適老

逐衆人行洙曰老者尚爲衆人亦悲時之不與也始欲投三峽何由見兩

京

對雨

廣德元年作

補注

鶴曰此詩當作於廣德元年梁權道亦編在此年詩云雪嶺防秋急謂是年吐蕃入

寇公將入閬州故

曰不愁巴道路

莽莽天涯雨江邊獨立時不愁巴道路

趙曰指言梓州也

恐濕

漢旌旗雪嶺防秋急

趙曰雪嶺在松維州之外

繩橋戰勝遲

洙曰見防秋却

背五繩橋注趙曰以岷江湍急不可爲梁乃竹繩爲橋駕虛而渡

西戎甥舅禮

洙曰言父尚公

主則子爲甥中國爲舅也

未敢背恩私

趙曰景龍一年以金賊公主妻贊普今公望其篤甥舅之

禮而勿背焉師曰時回紇恃功欲入寇甫不愁飄轉道路之間恐關中復遭污辱也故託意言不愁巴道路恐

濕漢旌旗胡人秋高馬肥常入寇故曰防秋雪  
嶺繩橋皆蜀中蜀人以竹縛爲橋名曰繩橋  
補注鶴曰

九城志云雪嶺距威州二百六十里山有九峯上有積  
雪春夏不消威即維州高適傳適出西山三城置成論  
東西兩川當合爲一即雪嶺也唐志注唐興有羊灌田  
朋竿繩橋三守捉城今指繩橋蓋三城之一非謂岷江  
以竹繩爲橋也

### 警急

趙曰時高適代崔光遠領西  
川節度使 廣德元年作

### 補注

鶴曰崔光遠憂恚而死在上元二年以適  
代光遠在其年建丑月而松州陷於吐蕃

却在廣德元年十二月趙注爲非此詩云松  
州會解圍則是在未陷時作公時在閬州

才名舊楚將妙畧擁兵機

趙曰以美  
高適也

玉壘雖傳檄松州

會解圍

洙曰傳檄言吐蕃入寇檄書相聞也趙曰廣德元年吐蕃取隴右十二月遂亡松維保三州

補注

鶴曰高適至德間爲揚州大都督府長史淮安節度使故曰舊楚將玉壘山在彭州導江縣有玉壘

記和親知計拙公主漫無歸

洙曰見留花門注趙曰吐蕃方請和繼而又叛補

注

希曰和親謂以安成金城公主降吐蕃而卒不免其入寇所以爲計拙舊注云見留花門注然非回紇也

青海今誰得西戎實飽飛

洙曰曹公言呂布猶鷹也飽則飛去按唐書適代崔光遠

爲節度吐蕃取隴右適出兵南鄙以牽制之既無功遂亡松維二州趙曰言青海爲吐蕃所有其勢如鷹之飽而飛揚不就繫繼也

王命

廣德元年作

補注

鶴曰詩云牢落新燒棧謂廣德元年燒大散關蒼茫舊築壇謂是年吐蕃寇近幾旋

命子儀禦敵子儀久閒廢才得二十騎而行詩又云巴西道路難巴西閬州也時公在閬州當

是廣德元年十月作

漢北豺狼滿巴西道路難

趙曰漢與巴相連蓋吐蕃入寇之地

血埋諸將

甲骨斷使臣鞍

趙曰廣德元年使李之芳崔倫往聘吐蕃留不遣虜破邠州入奉天天子幸陝

使臣指李之芳崔倫矣骨斷則憂懼而骨欲斷折之義

補注

鶴曰諸將云者如渭北行營兵馬使呂同

將將精卒二千與吐蕃戰於盤屋兵盡爲虜所擒而六軍逃潰者多在商州諸將縱兵暴掠是也御史大夫李之芳等使吐蕃爲虜留

牢落新燒棧

洙曰漢高紀張良說漢王燒絕棧道



棧即閣也今謂之閣道

倉茫舊築壇

洙曰漢王齊成設壇場拜韓信爲大將軍趙曰時雍王眭

爲兵馬元帥子儀副之而禦奉天之寇委子儀則舊築壇指郭令公也

深懷喻蜀意慟哭

望王官

洙曰司馬相如有箭巴蜀檄時段子璋反東川適與崔光遠逆戰斬之光遠不戢兵遂大掠至

有斷士女腕取金者故民怨哭而欲聞王命也

補注

鶴曰段子璋事在上元二年與此詩相距二年所引

非蓋廣德二年吐蕃陷松維保三州及雲山新築二城吐蕃矣巴蜀之人陷新夷虜所以慟哭望王官之至巴蜀諸州既陷則血埋諸將之甲又可知矣

征夫

廣德元年作

補注

鶴曰詩云十室幾人在千山空自多時廣德元年吐蕃陷松維州高適在蜀調征夫

防守故有此作自警急至此三首皆爲高適作  
所以譏其不能禦虜也首冠以才名舊楚將妙  
畧擁兵機之句而其下皆  
敗北之事則機畧可見矣

十室幾人在千山空自多路衢惟見哭城市不聞歌

民苦役故漂梗無安地蘇曰宗壽已身如水上浮梗南

多怨哭爾蓋旅寓之人如梗北無安身之地趙曰此公自言

之飄蕩於義分明銜枚有荷戈洙曰漢紀章邯夜銜

枚者止言語謹翼欲令敵人不知其來也周官有銜枚

氏枚狀如著橫銜之蘇曰吳起中夜起謂裨將曰防彼

銜枚荷戈銜突吾寨官軍未通蜀吾道竟如何

惠義寺園送辛員外

廣德元年作

補注

鶴曰惠義寺在梓州  
當是廣德元年作

朱櫻此日垂朱實郭外誰家負郭田萬里相逢貪握手

高才仰望足離筵

又送

廣德元年作

補注

鶴曰魯嘗年譜云公送辛員外暫至綿今  
詩云直到綿州始分首則魯之說爲是廣

德元  
年作

雙峯寂寂對春臺萬竹青青照

洙曰一作送

客杯細草留連

侵坐軟殘花悵望近人開同舟昨日何由得並馬今朝

未擬迴直到綿州始分首江頭樹裏共誰來

章梓州橘亭餞成都竇少尹

得涼字  
新添

補注

鶴曰此詩一本作兩首自衰老應爲難離別已下題曰長流然合爲一者是當在廣

德元年秋作是  
年九月公至闌

秋日野亭千橘香玉杯錦席高雲涼主人送客何所作

音佐行酒賦詩殊未央衰老應爲難離別賢聲此去有輝

光預傳籍籍新京兆青史無勞數趙張補注

希曰成都  
前號南京

公故借京尹事用前漢趙廣漢行京兆尹滿歲爲真  
張敞亦爲京兆尹故吏民語曰前有趙張後有三王

送元二適江左

廣德元年作

補注

鶴曰詩云風塵爲客日謂廣德元年九月吐蕃入寇此詩是時作

亂後今相見秋深復遠行風塵爲客日

趙曰公言其遭戰鬪之時旅泊

於江海送君情晉室丹陽尹

洙曰溫嶠爲丹陽尹

公孫白帝城

洙曰

公孫據白帝城師曰丹陽尹指元二適丹陽也白帝城南自言客居夔州也

經過自愛惜取

次莫論兵

洙曰元嘗應孫吳科舉

章梓州水亭

洙曰時漢中王兼道士席謙在會同用荷字韻廣德元年作

補注

鶴曰魯嘗梁權道皆以爲在廣德元年然是年春梓州是李使君夏方是章彝爲刺

史詩云秋水席邊  
多當是其秋作

城晚通雲霧亭深到芰荷  
吏人橋外少

蘇曰尹伯吉爲  
丹陽令好飲語

友人曰可同過橋飲彼處吏  
人少潘岳詩貪杯避吏人

秋水席邊多近屬淮王至

洙曰淮南王劉  
安以比漢中王高門薊子過

薊居例切洙曰家家迎薊  
子以比席道士也趙曰後

漢薊子訓有神異之術士大夫嚮慕之  
今公此句以尊章梓州之能致異人也

荊州愛山簡吾

醉亦長歌

洙曰山簡習池事以比章梓州也趙曰以山簡  
比章留後山簡每出嬉遊多之池上置酒輒

醉時有童兒歌曰山公出何許每至高陽池日夕倒載  
歸醕酌無所知公言吾醉亦長歌則效童兒之爲歌矣

送陵州路使君之任

廣德元年作

補注

鶴曰幽燕通使者謂史朝義廣德元年正月熾死而河北盡平詩又云秋天正搖落

當是廣德元年秋在梓州作陵州唐屬東川

王室比多難高官皆武臣

洙曰時方急於賞功效武臣在高位蘇曰宋鍼近世兵戈

擾擾而高爵厚祿皆武官高牙大飾金紫煌煌駭人耳目我輩頭白作冷局官復何益哉幽燕通使

者洙曰時安史之亂平而幽燕路通矣岳牧用詞人國待賢良急君當拔

擢新佩刀成氣象

洙曰晉書呂虔為刺史有佩刀相者曰以三公可服虔乃贈別駕王祥曰

苟非其人刀或為害卿行蓋出風塵

趙曰時方吐蕃之亂而刺史之蓋出

有公輔之量故相與也風塵以戰伐乾坤破洙曰在所

瘡痍府庫貧洙曰軍用匱乏急也

衆寮宜潔白萬役但平均

蘇曰元興曰今世事若此諸公宜潔正廉白不可學日前

貪饕又王子敬萬民徭役宜科使平均自無怨謗

霄漢瞻佳士

蘇曰張景陽近數佳士致身在

於霄漢之上趙曰指路君自此遷擢當在霄漢

泥塗任此身

趙曰公自言也

秋天正搖

落回首大江濱

薄暮

廣德元年作

補注

鶴曰詩云高秋心苦悲又云寒花隱亂草當是廣德元年秋在閩州作是年公九月

至閩矣

江水最深入地

洙曰此指蜀江

山雲薄暮時寒花隱亂草

師曰非



其時甫自比衰年也

宿鳥擇

洙曰一作探

深枝

趙曰左傳鳥則擇木木豈能擇鳥師曰鳥志在

奮飛宿鳥已有棲息之地甫自比無飛騰之志也

舊國見何日高秋心苦悲人

生不再好鬢髮白

洙曰一作自

成絲

東津送韋諷攝閩州錄事

新添廣德元年作

補注

鶴曰東津在綿州打魚歌云綿州江水之東津是也當是廣德元年送辛員外暫至

綿州時作梁權道編在寶應元年梓州詩內

聞說江山好憐君更隱兼寵行舟遠泛惜別酒頻添推

薦非承乏操持必去嫌他時如按縣不得慢陶潛

惠義寺送王少尹赴成都

分得峯字  
廣德元年春作  
新添

補注

鶴曰公嘗陪李梓州四使君登惠義寺則寺在梓州今詩云騎馬行春徑當是廣德

元年  
春作

苒苒谷中寺娟娟林表峯  
欄干上處遠結構坐來重  
騎馬行春徑衣冠起暮鐘  
雲門青寂寞此別惜相從

西山三首

廣德元年作

補注

鶴曰詩云雨雪閉松州當是廣德元年十二月松州被圍時作

夷界荒山頂蕃州積雪邊

洙曰成都記西  
山冬夏積雪

築城依

洙曰一作

連白帝轉粟上青天

言築城依白帝城在夔州此西山詩而

兩句通義公孫述自號白帝其所築城在高山上本曰白帝城今公言高山上築城依倣白帝所以轉粟之難

如上天補注希曰白帝西方之帝也今築城於西山之上

言其高可依於白帝故下曰轉粟上青天非

指公孫述城而言但假用其字耳夔州白帝城在赤甲

相近其山初不大高豈西山所依倣者高適疏謂今所

險絕之末運糧於束馬之路坐甲於無人之鄉故此云

轉粟如上蜀將分旗鼓趙曰以吐蕃陷松維保三州

天之難也勢迫近蜀故分旗鼓以禦之

兵助

洙曰一作動

鎧鉞

洙曰一作泉

西南背和好殺氣日相纏

趙曰

以吐蕃背先帝時盟好而爲寇不已

辛苦三城戍長防萬里秋

洙曰明皇還蜀後復分東西兩川爲兩節度西山列防秋

三戍民罷於役高適論之不聽

煙塵侵火井雨雪閉松州

洙曰雪賦火井滅蜀都賦

火井沉熒於幽泉高焰飛煽於天垂趙曰火井雖在邛州大率是蜀地名言吐蕃迫蜀中也孫曰蜀志云火井

在臨邛補注鶴曰唐志雖云火井在邛州有火井縣而九域志又云有火井在蓬州蓬與果巴州爲鄰

而邛與雅州爲鄰雅去羈縻羅巖州不滿三百里此當指邛而言松州與維州唐屬西川自廣德元年後吐蕃

復置行州以首領爲刺史司馬矣

風動將軍幕

洙曰一云蓋

天寒使者裘漫

山賊營壘迴首得無憂

洙曰漫山言賊壘之多也

子弟猶深入

趙曰子弟言充兵之人也

闕城未解圍蠶崖鐵馬瘦灌

口米船稀

洙曰寰宇記蠶崖關在永康軍西北四十七里洙曰蠶崖灌口並西山隘口地名趙曰蠶

崖在西山關隘處灌口在今永康軍戰馬不足充戰而瘦米船以運多不繼而稀此為可憂矣程曰灌口山在

永康軍導江縣李膺益州記云清補注希曰唐志云彭水路西七里灌口古所謂天彭關

崖關寰宇記灌口山在西嶺有天彭關又云有灌口鎮在彭州九隴縣唐志蜀州有灌口府然則蠶崖灌口皆

指彭州而言也辯士安邊策元戎決勝威洙曰元戎元帥也史決勝千里今朝

烏鵲喜洙曰西都雜記云乾鵲噪而行人至欲報凱歌歸補注希曰文選淮徐獻捷

河充  
凱歸

薄遊

廣德元年作

補注

鶴曰詩云巴城添淚眼按唐志閬州綿州皆爲巴西郡公廣德元年皆至兩郡然至

綿乃是春晚至閬乃是秋晚祭房公文乃是年九月二十三日此詩云病葉多先墜寒花只暫

香當是在

閬州作

浙浙風生砌

洙曰謝惠連浙浙振條風

團團月隱牆

洙曰班婕妤團團似明月遙

空秋鴈滅半嶺暮雲長病葉多先墜寒花只暫香巴城

添淚眼今夕復清光

趙曰公以薄遊之無定見月而添淚也



補注杜詩卷二十四

欽定四庫全書

集部

補注杜詩卷二十五

臣 永瑤 恭 校

檢討 臣 何思鈞 覆 勘

總校官 進士 臣 朱 鈐

校對官 助教 臣 胡 予 襄

謄錄 監生 臣 張 中 穎



欽定四庫全書

補注杜詩卷二十五

宋 黃希 原本

黃鶴 補注

送梓州李使君之任

魯曰故陳拾遺射洪人也 篇末有云 寶應元年作

補注

鶴曰按合廣德元年有陪李使君泛江陪 李梓州四使君登惠義又秋有章梓州橘

亭水亭等詩及史云梓州刺史章彝為嚴武召

至成都殺之乃廣德二年則李使君之任乃在

寶應元年夏故詩云火雲揮汗日山驛醒心泉

是時公在綿州詩又云遇害陳公殞于今蜀道

憐君行射洪縣為我一潛然則是公未訪陳拾

遺故宅及到陳拾遺學堂前作也公是年十一

補注杜詩

月至射洪  
有此二詩

籍甚黃丞相能名自潁川

洙曰前漢循吏傳黃霸爲潁川太守咸稱神明治爲天下

第一聲名籍甚後爲丞相

近看除刺史

洙曰前漢景帝紀注凡言除除故官就新官也

還喜

得吾賢五馬何時到

洙曰古陌上羅敷行使君從南來五馬立踟躇

雙魚會早

傳

趙曰屬李使君早寄書也古樂府客從遠方來遺我雙鯉魚呼兒烹鯉魚中有尺素書師曰昔王羲之守

永嘉庭列五馬此二句言使君幾時到任早寄書達甫

老思筇竹杖冬要錦衾眠

洙曰一云筇竹柱漢張騫在大夏時見筇竹杖云貴人市之於身毒國漢朱寵爲太尉家貧布被帝聞之賜錦

被趙曰公從李使君要比二物也筇竹蜀中所出蜀都賦云筇竹緣嶺注云中實而高節可以作杖錦衾雖是

錦被而字出詩錦衾爛補注希曰蜀記云漢張騫奉使  
兮蜀中有錦故公及之尋河源得高節竹植於邛

山今綠嶺皆是堪爲杖號曰邛竹杖古詩凜凜歲云暮  
樓姑多鳴悲涼風率已厲遊子寒無衣錦衾遺洛浦同

袍與我違此用其意也鶴曰戴愷之竹譜邛竹一名扶  
彥竹記云邛州多生筇竹俗謂之扶老竹又云出邛山

不作臨岐恨洙曰陳陰鏗送始興王詩惟聽舉最先洙

京房舉最當遷背飛傷客念臨岐憫聖情火雲揮汗日洙曰淮南子旱雲煙火生

而四舉史記云趙曰隋盧思道詩火雲赫山驛醒心泉遇害陳公殞洙曰子昂後

收繫憂憤爲縣令段簡于今蜀道憐君行射洪縣爲我一潜然洙曰

屬梓州鄭曰射洪潜然涕流貌

王閬州筵奉酬十一舅惜別之作

廣德元年作

補注

鶴曰詩云千崖秋氣高當是廣德元年九月至閬州作時吐蕃黨項與僕固懷恩之

亂方殷故有羣盜尚如毛之句

萬壑樹聲滿

洙曰顧愷之言千巖競秀萬壑爭流

千崖秋氣高

洙曰宋玉曰悲哉秋

之爲氣也天高而氣清

浮舟出郡郭別酒寄江濤良會不復久此

生何太勞窮愁但有骨羣盜尚如毛

洙曰窮愁而瘦極也羣盜尚多故如

毛吾舅惜分手使君寒贈袍

洙曰范睢見須賈賈曰范叔一寒如此乃取綈袍以

賜沙頭暮黃鶴失侶自

一作亦

哀號

趙曰自當以亦爲正言人別而哀黃鶴失

侶亦  
然也

閬州奉送二十四舅使自京赴任青城

新添

補注

鶴曰詩云聞道吾舅當是其舅為青城宰青城蜀州之邑也又云涪江醉泛船廣

德元  
年作

聞道王喬為名因太史傳如何碧雞使把詔紫微天

定功

曰王褒傳曰方士言益州有金馬碧雞之寶可祭祀致也宣帝使褒往祀焉

秦嶺愁回馬涪

江醉泛船

鄭曰秦嶺在秦川

補注

鶴曰唐志秦川有秦嶺縣貞觀十七年省大中二年先收

復權隸鳳翔府三年來屬涪江雖出合州而水經云涪江水東南合射江則梓潼皆可言也

青城漫

汚雜吾舅意淒然

放船

廣德元年秋作

補注

鶴曰詩云送客蒼溪縣又云黃知橘柚來當是廣德元年秋閩州作

送客蒼溪縣

鮑曰唐志蒼溪屬閩州

補注

希曰蒼溪唐屬閩中舊史志云漢分宕渠置漢

昌縣屬巴郡改漢昌爲蒼溪九域志云州西北四十里

山寒雨不開直愁騎馬滑

故作泛舟回

趙曰孟浩然詩爲多山水樂頻作泛舟行

青惜峯巒過黃知橘

袖來

鮑曰言舟行瀉移景物如畫雖速而不言速也

江流翠自在坐穩興悠哉

奉待嚴大夫

寶應元年作

補注

鶴曰此詩皆以爲武廣德二年再鎮成都  
公待其至故有此作然武是時以黃門侍

郎鄭國公出爲成都尹公所與詩有曰嚴中丞  
嚴大夫嚴侍郎嚴鄭公皆隨武所受官而稱之  
如是年自閬州將赴草堂途中先寄嚴鄭公是  
也若是其時作顧曰嚴大夫何耶按舊史武出  
爲綿州刺史劔南東川節度使兼御史中丞上  
皇詔以劔南兩川合爲一拜武成都尹兼御史  
大夫充劔南節度而公上武說早在寶應元年  
建巳月則云中丞嚴公節制劔南日奉此說又  
與史異今觀詩如曰不知旌節隔年回蓋史公  
上元二年建丑月以武爲成都尹而詩作於寶  
應元年之正月故云若廣德二年武再鎮蜀乃  
是二月不應有隔年回之句諸將詩第五首爲  
武作也詩云主恩前後三持節而通鑑亦云武  
再鎮劔南則武嘗三鎮蜀趙以寶應元年正月

權令兩川都節制為第一六月專以節制西川  
阻徐知道反不得進為第二廣德二年正以兩  
川合一節度而武以黃門侍郎來為第三然玄  
宗以上元元年七月移居西內高力士陳玄禮  
等阻遷謫上寢不擇豈復更預國事史云為綿  
州誥以劔南西川合為一拜武成都尹者意在  
乾元二年裴冕為尹之前是時止是節制也合  
以此時為一而寶應元年再尹為二廣德三年  
為兩川節度者為三此詩是寶應元年作故又  
云殊方又喜故人來重鎮還須濟世才新史云  
貶巴州刺史久之遷東川節度上皇合劔南為  
一道而不言為綿州按房瑄傳貶巴州在乾元  
元年六月當  
是自巴遷綿

殊方又喜故人來重鎮還須濟世才

洙曰時武再鎮蜀  
鄭曰重直隴切厚



也常怪偏裨終日待不知旌節隔年回

洙曰偏裨諸將杖也旌節麾幢

也楊國忠兼領劔南每幸驪山必以旌節前引

補注

希曰左傳云偏師而偏裨又已見馮奉世傳矣唐職

官志天寶中緣邊禦戎之地置八節度使受命之日賜之旌節武爲劔南節度故云

欲辭巴徼啼

鶯合遠下荆門去鷓催

洙曰公自言欲辭蜀而入楚趙曰此言蓋船首畫鷓以驚水怪

師曰鷓舟已督舟將行

補注

希曰子虛賦浮文鷓張揖曰水鳥也畫其象於船首淮南子龍舟鷓首天

子之乘也

身老時危思會面

洙曰古詩道路阻且長會面安可知

一生襟

洙曰一作

懷抱向誰開

洙曰言人不知

奉寄高常侍

洙曰大夫

一云寄高三十五永泰元年作

補注

鶴曰梁權道編在廣德二年閬州作按舊史適代崔光遠為成都尹西川節度然崔

光遠以上元二年建子月卒而建丑月已除嚴武為尹則適代光遠為尹者攝也武來即仍守蜀州史又云代宗即位吐蕃逼京畿適練兵臨吐蕃南境以牽制之師出無功而松維等州為賊兵所陷以嚴武代還則適為成都尹在寶應元年夏武歸朝之後而適代還乃在廣德二年三月也史又云代還用為刑部侍郎轉散騎常侍永泰元年正月卒今題云寄高常侍又詩云今日朝廷須汲黯則適在朝明矣又云天涯春色催遲暮別淚遙添錦水波當是永泰元年正月在成都作若謂在廣德二年春則是時適未出蜀又公未歸成都意作詩未久適已卒

汶上相逢年頗多

洙曰地理志汶水出泰山萊蕪蜀亦有汶川山西出修可曰魯之汶今在

鄆州論語有吾必在汶  
上之語非蜀之汶川矣  
飛騰無那故人何  
鄭曰那乃箇切  
洙曰故人

指侍御也趙曰高適與公皆拜拾遺  
其後高爲散騎常侍則其飛騰明矣  
總戎楚蜀應全未

洙曰爲帥也趙曰總戎大將之事適先除揚州大都督  
淮南節度使又出爲彭蜀二州刺史蓋言雖總戎於楚

蜀而猶未焉尹曰適代崔光遠節度西川又守  
彭州故云總戎楚蜀應全未者言年未及老也  
方駕洙曰

一作曹劉不啻過  
洙曰方齊也言文才過於曹丕劉楨  
也  
不啻猶過多也修可曰方駕並駕

也劉孝標廣絕交論曰道文麗藻方駕曹王注  
謂曹植王粲此言曹劉乃曹植劉楨非曹丕也  
今日朝

廷須汲黯  
洙曰漢書汲黯在朝淮南寢謀言黯之材足  
以折衝千里爾時寇賊充斥朝廷須如汲黯

者中原將帥憶廉頗  
洙曰馮唐傳文帝輦過郎署問馮  
唐曰言李齊之賢唐對曰齊尚不

如廉頗李牧之為將也云云上既聞廉頗李牧為人  
迺拊髀曰嗟乎吾獨得廉頗李牧為將豈憂匈奴哉  
涯春色催遲暮別淚遙添錦水波趙曰時高在成都起發赴召故云

奉寄章十侍御

彦輔曰時初罷梓州刺史東川留後將赴朝廷一云寄梓州張使君

補注

鶴曰二史皆云嚴武殺梓州刺史章彝則章罷梓州刺史不當更赴朝廷而詩云朝

覲從容問幽側勿云江漢有垂綸則又是送其入朝豈非將行時為武所殺當是廣德二年作

淮海惟揚一俊人

洙曰禹貢淮海惟揚州來曰章彝揚州人

金章紫綬照青

春

洙曰百官公卿侯表金印紫綬師古曰漢儀云銀印皆龜鈕其文曰章謂刻曰某官之章孝祥曰青春言

年少指麾能事回天地

洙曰唐張元素有回天之力能回人主之意也趙曰指麾所能

之事雖天地亦可回所以大言之  
歐曰時段子璋反章討平之故云  
訓練強兵動鬼神曰

言威力相西不得歸關羽  
洙曰蜀將關侯先主收江南  
所致然

主西走益州拜  
侯董荊州事  
河內猶宜借寇恂  
洙曰後漢寇恂光武  
取河內拜恂為太守

行大將軍後潁州盜賊羣起帝曰潁川迫近京師當以  
時定惟卿能平之即日車駕南征恂從至潁川盜賊悉

降而竟不拜郡百姓遮道曰願從陛下復借寇君一年  
乃留恂鎮撫吏人納餘降也黃曰甫意美章善守東川

恐如關寇  
不得去也  
朝覲從容問幽側勿云江漢有  
洙曰一  
垂綸

晁曰甫補注  
希曰諸侯之見天子曰朝書云羣后肆朝  
自言也  
是也天子之見諸侯曰覲書云乃日覲四

岳羣牧是也文選沈約思  
倅論明揚幽側惟才是與

將赴荆南寄別李劔州

廣德二年春作

補注

鶴曰劔州唐爲晉安郡本始州先天二年更名詩云使君高義驅今古寥落三年坐

劔州唐刺史其以三年爲任也公寶應元年至廣德二年三月遊綿梓閬其在梓閬屢欲出峽故作此詩以嚴武再鎮成都復往依之此詩當在廣德二年春作故曰春風回首仲宣樓

使君高義驅今古寥落三年坐劔州但見文翁能化俗

洙曰前漢循吏傳文翁來爲蜀郡太守仁愛好教化見蜀地僻陋有蠻夷風乃選郡縣小吏開敏有才者張叔等十餘人親自飭厲遣詣京師受業博士數歲蜀生皆成就歸文翁以爲右職又修起學宮於成都市招下縣子弟以爲學官子弟爲除更繇使傳教令出入閭門吏民見而榮之由是大化蜀地學於京師者比齊魯焉至

武帝時乃令天下郡國皆立學校官自文翁爲之始文翁終於蜀吏民爲立祠堂祭祀不絕至今巴蜀好文雅

文翁之化也

焉知李廣未封侯

洙曰李廣傳初廣與從弟李蔡俱爲郎蔡積功武帝封爲

樂安侯廣不得爵邑官不過九卿常與望氣王朔言之朔曰將軍自言豈嘗有恨者乎廣曰吾爲隴西守羌嘗

反吾誘降者八百餘人詐而同日殺之至今恨獨路經此耳朔曰禍莫大於殺已降此乃將軍不得封侯

灩澦雙蓬鬢天入滄浪一釣舟

趙曰灩澦堆在巫峽之口滄浪則楚漁父所謂

滄浪之水也

戎馬相逢更何日春風回首仲宣樓

洙曰荆州有仲宣樓

魏志王粲字仲宣年十七司徒辟詔除黃門侍郎以西京擾亂皆不就乃之荆州依劉表遂登江陵城樓作賦

云趙曰方當戎馬之亂果何日乎舊注遂謂荆州有仲宣樓非也

奉寄別馬巴州

彦輔曰時甫除京兆功曹  
上元二年作

補注

鶴曰詩云功曹非復漢蕭何按史云流落  
劔南結廬成都西郭召補京兆功曹不至

會嚴武節度劔南東西川往依馬則公除功曹  
在上元二年冬嚴武節度兩川之前而蔡興宗  
年譜以爲廣德元年補功曹又云春日有寄馬  
巴州詩注云時除功曹在東川而本傳與集記  
作上元間舊譜作永泰年皆誤殊不知舊注乃  
薛彥輔之言爾舊譜固誤矣而謂本傳有集記  
爲誤可乎蓋武表公爲節度參謀又在廣德二  
年秋武再鎮成都時若曰除功曹在元年則武  
是時尚在京師以公平時屢起故鄉之念何憚  
不因此而歸舊里惟其召在上元間草堂方成  
道路多梗而嚴武又來蜀是以不赴王原叔記  
亦以爲召補功曹以道阻不赴此詩云扁舟繫



纜沙邊久又是在東川作公在浣花未嘗不繫舟也當是上元二年作馬巴州未詳何人意是

上元二年死

於遂州者

勳業終

洙曰一作真

歸馬伏波

洙曰謂馬巴州也馬援封伏波將軍少有大志以功名自

許功曹非復漢蕭何

洙曰功曹公自謂也前漢蕭何爲沛王吏掾修可曰劉貢父作詩話

稱杜甫云功曹非復漢蕭何按曹參嘗爲功曹非蕭何也王定國云高祖紀何爲主吏孟康注云主吏功曹也貢父之言誤矣二說皆非按吳志虞翻爲孫策功曹策曰孤有征討事未得還府卿復以功曹爲吾蕭何守會稽扁舟繫纜沙邊久南國浮雲水上多  
趙曰公欲爲荆楚之行尚留東

川故繫纜久而空望南國也此詩蓋公雖除京兆功曹乃有南往之興而不赴矣

獨把漁竿終

遠去難隨馬翼一相過知君未愛春湖色興在驪駒白

玉珂

洙曰前漢儒林傳王式詔除爲博士既至舍中會諸大夫博士共持酒肉勞式博士江公心嫉式謂

歌吹生曰歌驪駒式曰聞之於師客歌驪駒主人歌客毋庸歸今日諸君爲主人曰尚早未可也驪駒逸詩見大戴禮客欲去歌之文穎曰其辭云驪駒在門僕夫具存驪駒在路僕夫整駕公言馬巴州不以我欲遊江湖其興在於朝覲見君驪駒白玉珂則早朝騎馬之事古詩驪駒在門珂者馬口中鳴珂也以白玉言之

泛江

廣德二年作

補注

鶴曰詩云長日容杯酒深江淨綺羅亂離還奏樂飄泊且聽歌當是廣德二年春在

閬州作

方舟不用楫

趙曰方舟並船也字出爾雅大臨曰隨流也

補注

希曰鄰食其傳亦云方舟

而下師古曰方併也

極目總無波

洙曰招魂曰目極千里兮傷春心

長日容杯酒

深江淨綺羅

大觀曰言江花色淨如綺羅也

亂離還奏樂飄泊且聽歌

故國流清渭如今花正多

陪王使君晦日泛江就黃家亭子二首

廣德二年作

補注

鶴曰王使君即王閬州也晦日爲唐令節當是廣德二年正月晦日作

山谿何時斷江平不肯流稍知花改岸始驗鳥隨舟結

東多紅粉

趙曰古詩娥娥紅粉粧

歡娛恨白頭

蘇曰陳亮曰青春風物雖好歡娛獨

恨白頭翁不得  
馳逐五陵年少  
古以正月盡為令  
節曰晦日其說是

非君愛人客晦日更添愁

洙曰添一作  
禁蔡伯世曰

有徑金沙軟無人碧草芳野畦連蛺蝶

趙曰裴子野雲  
詩栖霞如連蝶

江檻俯鴛鴦日晚煙花亂風生錦繡香

趙曰言花如錦  
繡而有香也

不須吹急管衰老易悲傷

南征

廣德二年春作

補注

鶴曰詩云春岸桃花水而題曰南  
征當是廣德二年春在閬州作

春岸桃花水

洙曰謝靈運詩海鷗戲春岸庾  
信詩流水桃花色春洲杜若香

雲帆楓樹

林

洙曰阮籍詩湛湛長江水上

有楓樹林

偷生長避地

洙曰李陵書曰陵豈偷生之士論語

賢者避世其次避地

適遠更霑襟

洙曰王仲宣詩遠身適荆蠻四愁詩側身南望涕沾襟

老

病南征日

洙曰招魂曰洎吾南征趙曰公言其將適楚也

君恩北望心

趙曰公既有功

曹之命爲領君恩矣所以北望長安也

補注

鶴曰出處皆荷君恩豈以京兆功曹之命爲領君恩而後

北望哉況是時不起功曹已久

百年歌自苦未見有知音

洙曰古詩人生不滿百常

懷千歲憂又云不愁歌者苦但傷知音稀師曰峽人以二月桃花發時春水生謂之桃花水水漲可以下峽甫

自蜀南征吳楚故云

久客

廣德二年作

補注

鶴曰詩云羈旅知交態淹留見俗情衰顏

虎正縱橫當是廣德二年在  
閩州莫有相知者故有此作

羈旅知交態

洙曰鄭當時傳翟公大書其門曰一死  
一生乃知交情一貧一富乃知交態

留見俗情

蘇曰張遼漂泊淹留始見世俗人情炎  
涼俯仰皆時世體態仁者必不爲也

衰顏

聊自哂小吏最相輕

蘇曰何晏見梁王王不爲  
禮晏叱曰小吏何敢侮予

去國哀

王粲

洙曰王仲宣七哀詩西京亂無象豺  
虎正遺患復棄中國去遶身適荆蠻

傷時哭賈生

洙曰賈誼上書言時事云可爲痛哭  
者一可爲流涕者二可爲太息者六

狐狸何足道豺虎

正

洙曰一作亂  
縱橫洙曰孟陽七哀詩李葉喪亂起盜賊如  
豺虎張綱傳豺狼當道安問狐狸趙曰

時吐蕃之  
亂未息也

春遠

永泰元年作

補注

鶴曰詩云故鄉歸未得地入亞夫營當是永泰元年春在浣花作時吐蕃雖退而是

年二月戊寅黨項羌寇富平富平屬京兆府故諸將營於近畿詩又云春遠獨柴荆謂是年正

月已歸溪上梁權道編在廣德二年閬州作與詩多不叶

蕭蕭花絮晚菲菲紅素輕

趙曰兩句通義紅以言花素言絮也

日長惟鳥

雀

蘇曰周素山居風暖日長不謝賓客俯簷把殘但聞鳥雀啁啾亦足爲幽人之樂

春遠獨柴

荆

趙曰言無數有關中亂何曾劔外清故鄉

洙曰一作園歸

不得地入亞夫營

趙曰指言長安屯兵乃公之故鄉而為軍營矣亞夫營在長安文帝時單

于入寇亞夫屯軍細柳營

暮寒

廣德二年作

補注 鶴曰詩云戍鼓猶長擊當是廣德二年春在閬州作閬與梓利巴劍果州為鄰時吐

蕃新陷松維保三州故戍鼓未靜也

霧隱平郊樹

洙曰江淹詩千里何蕭條白日隱寒樹趙曰言霧遮掩其樹

風含廣岸

波沉沉春色靜慘慘暮寒多戍鼓猶長擊

趙曰言吐蕃亂今尚防戍

林鶯遂不歌忽思高宴會朱袖拂雲和

洙曰古詩今日良宴會周禮春



官大司樂雲和之琴瑟玄謂雲和空桑龍門皆山名東  
京賦孤竹之管雲和之瑟趙曰漢祖置酒高會朱袖紅  
也袖

雙燕

廣德二年作

補注 鶴曰詩云旅食驚雙燕又云今秋天地在  
吾亦離殊方當是廣德二年春在閩州作  
公有意於出峽未  
知嚴武再鎮蜀也

旅食驚雙燕

洙曰一作雙飛燕

銜泥入此堂

洙曰古詩思為雙  
飛燕銜泥巢君堂

補注

希曰爾雅燕燕又名鳧詩云燕燕于飛蓋燕  
方春時以其匹至故曰于飛以言其雙也

應同

避燥濕

夢符曰左傳子罕曰吾儕小  
人皆有闔廬以避燥濕寒暑

且復過炎涼養子

風塵際來時道路長

趙曰梁吳均燕詩問余來何遲山川幾紆直

今秋天地

在吾亦離殊方

禹偁曰此詩于美托物以見已意

百舌

廣德元年二年間作

補注

鶴曰詩云重重祇報春而舊次在閩州詩內今未詳爲何年作要不出廣德元年二

也

百舌來何處重重祇報春知音兼衆語整翮豈多身花

密藏難見

洙曰一云難相見

枝高聽轉新過時如發口君側有

讒人

鮑曰王直方詩話山谷云余讀周書月令反舌有聲讒人在側乃解杜詩過時如發口君側有讒人

之句按周書月令乃周公時訓也朝野僉載百舌春轉  
夏止唯食蚯蚓正月凍開蚓出而來十月蚓藏而往蒼  
舒曰按呂氏春秋反舌有聲佞人在側十  
朋曰反舌鳥能反復其舌隨百鳥之鳴  
反舌無聲鄭氏云反舌百舌鳥正義云百舌鳥者蔡云  
蟲名鼃也今謂之蝦蟇通卦驗曰博勞鳴蝦蟇無聲  
夙問曰蝦蟇五月得水適當聒人耳何反無聲是以知  
蝦蟇非反舌反舌鳥春始鳴至五月稍至其聲數轉故  
名反舌又興州有音聲子是百舌之類今公此  
詩云花密藏難見枝高聽轉新益知非蝦蟇矣

地隅

廣德二年作

補注

鶴曰詩云江漢山重阻風雲地一隅當是  
廣德二年閬州作禹貢荊州江漢朝宗于

海注二水經此而入海閬州唐屬  
山南道志云古荊梁二州之域

江漢山重阻風雲地一隅

洙曰李陵詩風波一失所各在天一隅石曰此句謂其流

徙不止於故常之地

年年非故物

趙曰遷徙不常所見非故舊之物

處處是窮途

洙曰遭亂而道不行兩趙曰顏延年詩窮途能無慟

喪亂秦公子

洙曰謝靈運擬魏公子鄴中詩

王桀家本秦川貴公子孫遭亂流寓自傷情多

悲涼楚大夫

洙曰屈原宋玉皆楚大夫

平生

心已折

洙曰江淹別行路日荒蕪賦心折骨驚

遊子

廣德二年作

補注

鶴曰詩云巴蜀愁誰語吳門興杳然當是廣德二年閩中作是時以嚴武再鎮蜀欲

往之而尚在閩下峽之意不遂故曰吳門興杳然

巴蜀愁誰語吳門興杳然

趙曰此篇公欲南下而尚  
在巴蜀留滯而愁也

九江

春草外

洙曰九江江名見所  
思詩注

三峽暮帆前

洙曰見忠州三峽  
內注

厭就

成都卜

洙曰史記嚴君平避世  
賣卜於成都市中

休爲吏部眠

洙曰晉書畢卓爲吏部郎

比舍郎釀熟卓因醉夜至其甕間盜飲之爲掌酒者所  
縛明旦視之乃畢吏部也趙曰言休爲酒而眠以爲留  
滯也

蓬萊如可到

洙曰庾信哀江南賦云舟楫路遙星漢非乘槎可上風  
颺道阻蓬萊無可到之

期前漢郊祀志自武宣昭使人入海求蓬萊方丈瀛洲  
有三神山者在渤海中去人不遠蓋常有到者未至望  
之如雲及到三神山反居水下水臨之患且至則風引  
舡而去終莫能至

衰白問羣仙

洙曰世說

蓬萊有羣仙及不死之藥

歸夢

廣德二年作

補注

鶴曰詩云伐叛已三朝又云雨急青楓暮雲深黑水遙當是廣德二年閬州作詳見

注

道路時通塞江山日寂寥

趙曰以時當用兵道路或通或塞故江山氣象日月蕭索

偷生惟一老伐叛已三朝

洙曰明皇肅宗代宗三朝

雨急青楓暮雲

深黑水遙夢歸歸未得

洙曰一云夢魂歸亦得

不用楚辭招

趙曰言南

下之景蓋楚地多楓洙曰華陽黑水惟梁州蘇曰班彪雲黃臙黑水雪白認青城趙曰言懷長安也黑水在鄂杜之間去長安爲近師曰楚岸多青楓甫客居荆補注楚懷想故鄉故云洙曰宋玉哀屈原故作招魂

鶴曰公詩屢言楓林如曰獨嘆楓香林蓋指閩州南池  
今在閩又曰雨急青楓暮意是地名所以對黑水按寒  
字記舊州越舊縣有黑水云杜甫詩曰雲深黑水遙是  
也九州要記亦云臺登縣有奴諾川鸚鵡山黑水之間  
招魂云魂兮歸來故居些今  
歸未得故云不用楚辭招

江亭王閩州筵餞蕭遂州洙曰一云閩州王使君江亭餞蕭遂州

補注鶴曰題云王閩州筵餞蕭遂州是廣德二年春作

離亭非舊國洙曰莊子舊國望之暢然春色是他鄉老畏歌聲繼洙曰

一作愁隨舞曲長二天開洙曰一作悲寵餞洙曰後漢蘇章

刺史故人爲清河太守章行郡按其姦贓乃請太守爲  
設酒散陳平生之好甚歡太守喜曰人皆有一天我獨

有二天章曰今夕蘇孺文與故人飲私恩也

五馬爛生

明日冀州刺史案事公法也遂舉正其罪

光洙曰古陌上羅敷行使川路風煙接

君從南來五馬立踟躕

況隔兩鄉風煙有俱宜下鳳凰

鳥路江漢無限梁

絕句二首

國潁川師曰閻與遂皆屬蜀道故云川路風煙接昔蕭史王喬皆神仙人也蕭與秦女跨鳳而去喬亦飛乘雙

鳥今云俱宜下鳳凰豈非皆不凡歟

補注鶴曰梁權道編在廣德二年閬州作然公歸成都與王侍御詩有猶得見殘春之句

而此詩云今春看又過何日是歸年則當在成都作矣



遲日江山麗春風花草香

趙曰爲春日所照景象佳麗也

泥融飛燕子

沙暖睡鴛鴦

江碧鳥逾白山青花欲然今春看又過何日是歸年

滕王亭子二首

彦輔曰在玉臺觀內王調露中任閩州刺史云一云閩州玉臺觀滕

王亭子作王

曾典此州

補注

鶴曰按二史滕王元嬰自壽州刺史移隆州刺史後隆州避玄宗諱改爲閩州亭在

玉臺觀故嬰嘗遊憩於此詩云春日鶯啼修竹裏仙家犬吠白雲間又云寂寞春山路君王不

復行當是廣德二年春作

君王臺榭枕巴山

補注希曰閬州古巴子國地所以舊謂之巴西郡故山亦謂之巴山

其指雲臺山而言歟述巴志一名天柱山張道陵升仙之山也

萬丈丹梯尚可攀洙曰謝靈

運詩灑步臨丹梯謝玄暉敬亭山詩要欲追奇趣即此凌丹梯

春日鶯啼修竹裏仙家

犬吠白雲間

洙曰神仙傳淮南王丹成上昇雞犬舐其鼎亦仙去今天上有雞鳴犬吠清江

碧石傷心麗

趙曰追感滕王之歿空餘景在耳

嫩蘂濃花滿目斑人到

于今歌出牧來遊此地不知還

寂寞春山路君王不復行古牆猶竹色虛閣自松聲鳥

雀荒村暮雲霞過客情尚思歌吹入千騎把霓旌洙曰高唐

賦不見其底虛聞松聲又云蛻爲旌翠爲蓋梁  
孝王傳得賜天子旌旗千乘萬騎吹盡僞切

### 玉臺觀二首

滕王造趙曰觀在高處其中有  
臺號曰玉臺也 廣德二年作

補注 鶴曰九域志云故老相傳云唐刺史滕王  
嘗於此遊憩此詩當與滕王亭子詩同年  
作

### 中天積翠玉臺

洙曰一作虛

### 遥上帝高居絳節朝

洙曰列子曰周穆王

築臺號曰中天臺樂府歌闕闔觀玉臺注帝之所居修  
可曰顏延年應詔詩攢素旆森靄積翠亦葱芊注松栢  
重布曰積翠趙曰以臺之高而在道觀故指  
爲上帝之高居而羣仙絳節所朝之處也  
樂志玉臺觀應劭注  
云玉臺上帝之所居  
**遂有馮夷來擊鼓**  
洙曰曹子建洛神賦馮夷鳴鼓

女媧清歌馮夷乃河伯師曰張平子思立賦注馮夷者  
弘農華陰潼鄉首里人服八石得水仙爲河伯抱朴子  
釋鬼篇曰馮夷華陰人以八月上庚日渡河  
溺水死天帝署爲河伯生羽翰言飛仙也  
始知羸女

善吹簫

洙曰秦本紀大費佐舜是爲伯翳舜賜姓嬴氏  
列仙傳簫史秦女弄玉之夫也教弄玉吹簫作

鳳凰鳴而作鳳凰臺吹其上  
一旦夫妻隨鳳仙去

江光隱見鼉鼉窟

洙曰李華海賦或屑

沒於鼉鼉之穴

石勢參差烏鵲橋

洙曰淮南子烏鵲填河成橋而渡織女

更有紅

顏生羽翰便應黃髮老漁樵

浩劫因王造

洙曰一作起劫猶世也頭陀碑云功濟塵劫趙曰公言道觀多使道書度人經曰惟

有元始浩劫之家師曰劫蓋俗謂塔之一級二級爲一劫二劫子美岳麓道林二寺行亦曰塔劫官牆壯麗敵

若以爲世劫之劫則玉臺乃滕王於高宗調露中任閩州刺史日所造去子美未百年豈可言浩劫因王造乎

平臺訪古遊

洙曰梁孝王大治宮室爲複道自宮連屬於平臺如淳曰平臺在大梁東北趙曰以

梁王平

綵雲簫史駐

見前詩注

文字魯恭留

洙曰景帝二年魯恭王餘初治

宮室壞孔子舊宅以廣其居聞鐘磬琴瑟之聲遂不敢壞復於其壁中得古文經傳云趙曰以魯恭比滕王也

宮闕通羣帝

洙曰道書云天有羣帝而大帝最尊羣帝五方之帝也

乾坤到十洲

洙曰道書中有十洲記皆言神仙境界土定功曰東方朔十洲記漢武帝既見西王母言說八方巨海之中祖洲

瀛洲元洲炎洲長洲鳳麟洲聚屋洲流洲生洲充洲云十洲並是人跡所稀絕處

人傳有笙鶴

時過北山頭

洙曰列仙傳云王子喬周靈王太子晉也好吹笙作鳳鳴遊伊洛間道士浮丘公接

上嵩上三十餘年後來於山上告栢良曰告我家七月七日俟我緱氏山頭果乘白鶴駐山頂望之不得到舉手謝時人而去

渡江

廣德二年作

補注 鶴曰詩云春江不可渡二月已風濤意是廣德二年公自閩歸成都時作梁權道亦

編在是年

春江不可渡

蘇曰河記曰春江桃花浪漲吾弟舟重不可迅渡恐風浪驚兒女輩

二月已

風濤

洙曰顏延年云春江壯風濤蘭野茂萸英

舟楫欹斜疾

洙曰一作甚

魚龍偃

卧高渚花張素錦汀草亂青袍

趙曰古詩青袍似春草

戲問垂綸

客悠悠見汝曹

洙曰見一作是

喜雨

永泰元年作

補注

鶴曰詩云南國旱無雨按史永泰元年自春不雨四月己巳乃雨詩又云巢燕林花

皆四月間事當是其年作梁權道編在廣德二年閬州作既渡江詩云春江不可渡二月己風濟爲廣德二年閬州作而此詩云南國旱無雨亦編在廣德二年閬州詩內何不考之甚

南國旱無雨今朝江出雲

趙曰南國荆楚也安石曰記云山川出雲爲風雨故曰江

出雲入空纔漠漠迥已紛紛巢燕高飛盡林花潤色分

晚來聲不絕

洙曰一應得夜深聞作更急

送韋郎司直歸成都

廣德元年作

補注

鶴曰詩云別筵花欲暮春日鬢俱蒼又云爲問南溪竹抽梢合過牆則非廣德二年

閩州詩蓋其年春暮公已歸成都縱未離閩州亦當已知嚴武再鎮蜀行往依之而此詩殊無

此意疑是廣德元年梓州作梁編亦不考

竄身來蜀地同病得韋郎

洙曰以避難奔入蜀故言竄身韋亦避難故言同病天

下兵戈滿江邊歲月長別筵花欲暮春日鬢俱蒼

春鬢色俱蒼

爲問南溪竹

洙曰一云笋

抽梢合過牆

趙曰公自注余草堂在成

都西郭則南溪者又草堂傍近之名



將赴成都草堂途中有作先寄嚴鄭公五首

補注

鶴曰詩云得歸茅屋赴成都真爲文翁再剖符當是廣德二年自閬州歸成都作故

曰寄嚴

鄭公

得歸茅屋赴成都

洙曰潘安仁秋興賦偃息不過茅屋茂林之下

真

洙曰一作直

爲

文翁再剖符

洙曰謂嚴再鎮成都也文翁見李劍州詩注剖符分符也漢制符皆有合契當給符

者止給一半留一半京師

但使閭閻還揖讓

洙曰循吏傳孝宣興於閭閻師古曰閭里門也

閭里中門也

敢論松竹久荒蕪

洙曰陶淵明云田園將蕪胡不歸又曰三徑就荒松菊猶

存魚知丙穴猶來美

洙曰左太冲蜀都賦嘉魚出於丙穴劉淵林注曰丙穴在漢中沔陽

縣北有魚穴二所常以三月取之丙地名也任豫益州  
記曰嘉魚鱗似鮓魚師曰水經曰丙穴出嘉魚常以二  
月出十月入水泉懸注魚自穴下遠入水穴口向丙故  
曰丙穴又酉陽雜俎曰丙穴魚食乳水食之甚是温神  
農本草云嘉魚味甘食之令人肥健悅懌此乳穴中小  
魚常食乳水所以益人子美稱丙穴魚美其以此歟

補注

鶴曰寰宇記云夷惜水在嘉州東北五十里源出  
舊州界中有嘉魚長三尺每年二月隨水而下八

月逆水而上蜀都賦嘉魚出於丙穴蓋此也又邛州太  
邑縣有嘉魚穴其魚秋冬則乘流而出入春夏嚇鰓於  
巖間時人往往乘之世傳謂之魚穴又萬州梁山縣栢  
枝山在縣東南十五尋江源記云景穴有嘉魚其味甚  
美景穴出栢枝山唐諱丙故曰景穴興州順政縣丙水  
出丙穴穴口闊五六尺去地七八尺泉源垂注有嘉魚  
常以三月出穴下然則蜀多丙穴而此詩公自闡赴成  
都有云當是指大邑縣魚穴蓋成都西南至邛州才百

五十酒憶郢筒不用酤郢賓彌切洙曰成都記曰郢縣里耳

風俗錄曰郢人刻竹之大者傾春釀於筒閉以藕絲包以蕉葉信宿馨達於竹外然後斷之以獻俗號爲郢筒酒也修可曰郢出大竹土人截以盛酒故號郢筒李商隱詩錦石爲碁子郢筒當酒壺蘇曰山濤治蜀之郢城用筠管釀醪醱作酒挾旬方開香聞百步故蜀人傳其法趙曰言酒不須酤而從嚴公飲耳五馬舊

曾諳小徑

蘇曰古今風俗通巨士逸少出守永嘉庭列五馬繡鞍金勒出即鞞之

幾回書

札待潛夫

洙曰五馬見餞蕭遂州詩注趙曰後漢王符隱居著書作潛夫論詠曰潛夫甫自比

其二

處處青江帶白蘋

洙曰白蘋水草也趙曰爾雅萍之大者曰蘋

故園猶得見

殘春

趙曰故園指成都也

雪山斥候無兵馬

洙曰雪山蜀之西山也無兵馬罷三城戍

也大覺曰無兵馬言靖亂也

錦里逢迎有主人

洙曰成都記錦里城呼為錦城公與嚴故

德故有主人之說蘇曰王褒歸蜀謂人曰逢迎有賢主人

補注

希曰戰國策燕太子逢迎却行休怪

兒童延俗客不教鵝鴨惱比鄰

比頸脂切蘇曰魏陸曷居櫟陽性淡正潔嘗見

童驅鵝鴨出顧四之曰不曾使惱比鄰客伏其清謹趙曰比鄰者比近之鄰也

習池未覺風流

盡況復荊州賞更新

洙曰晉山簡字季倫永嘉三年出為征南將軍鎮襄陽于時四方寇

亂朝野危懼簡優游惟酒是耽諸習氏荆上豪族有佳園池簡每出戲游多池上飲名曰高陽池洙曰武每訪

草堂酣飲賦詠故比之習池之游荆州賞更新言武之來宴賞復無窮也

補注

希曰風流盡見南史張傳

斤候見賈誼西域傳誼傳  
云斤候望烽燧不得卧

### 其三

竹寒沙碧浣花溪

洙曰梁益記溪水出湔江菱洙曰一居人多造綵牋故號浣花

刺藤梢咫尺迷補注

希曰橘刺一作菱刺橘頌曾枝刺棘圓果搏兮注剡利也棘橘刺若

也棘過客徑須愁出入居人不自解東西

鄭曰解佳買切晚也以蓬蒿之

也書籤藥裹封蛛網

洙曰沈休文詩網蟲垂戶織

野店山橋送馬蹄

肯藉荒庭春草色

洙曰一云新月色天台賦藉萋萋之織草別賦春草碧色先判一

飲醉如泥

判普官切洙曰後漢周澤字稚都爲太常清潔循行盡敬宗廟嘗卧疾齋宮其妻哀澤老

疾聞問所苦澤大怒以妻子犯齋禁遂收詔獄謝罪當  
世疑其詭激時人爲之語曰生世不諧作太常妻一歲  
三百六十日三百五十九  
日齋一日不齋醉如泥

其四

常苦沙崩損藥欄也從江檻落風湍新松恨不高千尺

洙曰魯連子庚方有惡竹應須斬萬竿洙曰去其惡者留其善者生

理祇憑黃閣老洙曰黃閣見贈嚴八閣老詩注衰顏欲

付紫金丹洙曰神仙有金丹可以延年却老蒼舒曰按樂府歌行定取金丹作幾服能令華表得千

年沈曰丹陽抱陽山人大藥證曰煉鉛爲粉化綠爲塵  
自然伏火去鉛取丹更入華池還源反色再入神室更

養火六十日成紫金火丹若人服  
食化勝爲筋變髓凝骨自然不死  
三年奔走空皮骨  
蘇  
王剪三年奔走邊鄙老夫  
但存皮骨誰敢有勞王事  
信有人間行路難  
洙曰言爲  
而癯瘠也古  
詩有行路難

### 其五

錦官

洙曰一作館

城西生事微

師曰言土田薄有也

烏皮几在還思歸

洙曰以烏皮裹几也

昔去爲憂亂兵入今來已恐鄰人非

洙曰恐經亂離

而人物改變

側身天地更懷古

洙曰側身言無所容坡曰張融側身俯仰天地間懷古弔

今轉增悽惻

回首風塵甘息機

洙曰息忘也馬援回首往事甘自息機

共說總

戎雲鳥陣

洙曰元帥也雲鳥陣名薛曰按唐獨孤及風后八陣圖記天命聖者以廣戰術俾懸衡于

未然察變於倚數握機制勝作為陣圖田曰太公六韜以車騎分為鳥雲之陣所謂鳥雲者鳥散而雲飛變化

無窮不妨遊子芟荷衣  
洙曰北山移文焚芟製裂荷衣者也

謂補注希曰唐人以節度使為總戎李觀也  
邠寧節度軍記云仗鉞總戎

### 別房太尉墓

廣德二年作

彦輔曰閬州太尉名瑄常與嚴武等交結貶邠州刺史上元元年為漢州刺史寶應二年拜刑

部尚書在路遇疾廣德元年補注  
鶴曰按舊史卒於閬州僧舍年六十七  
廣德元年八

月四日卒於閬州僧舍而新史云寶應二年召拜刑部尚書道病卒西陽雜俎云邢和璞居高



頽間房瑄問邢終身事邢言降魄之處非館非寺病起於魚食而休於龜茲板其後房公舍闕州紫極宮見有治龜茲板者始憶邢之言有頃刺史具魚膾邀房房悟云云按公祭房公文云廣德元年歲次癸卯九月辛丑朔二十二日壬戌其中有云撫墳日落把劍秋高意與八月四日爲合是年公自梓遊閬明年春自閬歸成都而今詩云唯見林花落鶯啼送客聞殆詩作於二年春別其墓而歸成都也

他鄉復行役駐馬別孤墳近淚無乾土

趙曰言淚多而濕之也低

空有斷雲對碁陪謝傳

洙曰晉謝安傳安贈太傅初符堅入寇諸將敗走相繼次於淮

淝京師震恐加安征討大都督姪謝玄入問計安夷然無懼色玄不敢言乃令張玄重請問遂命駕出墅親朋

畢集至夜還指授帥將各當其任玄等既破堅有驛書  
至安方對容圍碁看書既竟便攝於床上了無喜色碁  
如故客問之徐啓云小兒遂已破賊既罷還內把劔覓  
過戶限心喜甚不覺屣齒折其矯情鎮物如此

徐君

洙曰新序曰延陵季子將西聘晉帶寶劔以過徐  
君徐君不言而色欲之季子爲有上國之事未獻

也然心許之矣使於晉顧返則徐君死於是是以劔惟見  
帶徐君墓樹而去達原曰謝傳徐君指房太尉也

林花落鶯啼送客聞

自閩州領妻子却赴蜀山行三首

廣德二年作

補注

鶴曰詩云不成向南國復作遊西川正是  
廣德二年春再歸成都依嚴武時作故詩

又云汨汨避羣  
盜悠悠經十年

汨汨避羣盜悠悠經十年不成向南國

趙曰言自閩而欲南下之計不

成復作遊西川物役水虛照

趙曰言身爲物所役水亦虛徒相照而不得優游觀

賞之

魂傷山寂然我生無倚著

洙曰師古曰地著謂安土也

盡室畏

途邊

趙曰盡室全家也左傳盡室以行莊子畏途者十殺一人則父子兄弟相戒師曰甫初欲遊荆楚今

聞嚴武再鎮成都故云不成向南國復作遊西川畏途者言道路盜賊險阻也

長林偃春色迴

一作首

復意猶迷衫袞翠微潤

洙曰蜀都賦鬱蓋蓋

以翠微山色之輕飄也趙曰言山中翠微之氣潤袞衣服也

馬銜青草嘶棧

一作懸

斜避石

洙曰棧閣道也

橋斷却尋溪何日兵戈盡飄飄愧老妻

行色遞隱見

洙曰孔子見盜跖回遇柳下惠於魯東門曰車馬有行色得微往見盜跖耶師曰言

山環合其身遞隱見也

人烟時有無僕夫穿竹語稚子入雲呼轉

石驚魑魅

洙曰天台賦始經魑魅之途趙曰山中之人以其有魑魅而轉石驚之

抨弓落

狄魑

洙曰狄猿屬也魑鼠也荀卿魑鼠五技而窮蘇曰陸績為黔江太守官署後多魑抨弦即驚墮鄭曰

抨波耕切訓彈也

補注

希曰兩雅魑鼠釋曰狀似小狐似蝙蝠肉翅脚短爪長尾三尺許聲如人呼食

火烟能從高赴下不能從下上高

真供一笑樂似欲慰窮途

山館

廣德元年作

補注

鶴曰詩云南國畫多霧北風天正寒當是廣德元年自閩州暫往梓州時作世亂敢

求安爲吐蕃陷京師而蜀亦備吐蕃之急也梁  
權道編在廣德二年途中寄嚴鄭公詩後却於  
北風天正寒之句不叶蓋二  
年歸成都乃二三月之交

南國晝多霧北風天正寒

蘇曰張茂先北風凜烈天色  
正寒游子不歸吾心如割

路危行木杪身遠宿雲端

洙曰鮑明遠詩雲端  
楚山見林表吳岫微山鬼吹

燈滅厨人語夜闌

趙曰楚辭有山鬼篇此山館乃楚地  
晉傅玄詩厨人進藿茹有酒不盈杯

雞鳴問前館世亂敢求安

贈王二十四侍御契四十韻

廣德二年作

補注

鶴曰詩云一別星橋夜三移斗柄春當是  
廣德二年春自閬州歸成都時作觀詩所

言王蓋  
成都人

往往雖相見

蘇曰蘇章曰與子相見難得再相見補注希曰吳王傳寡人金錢在天下

者往往而有師古曰言處處郡國皆有之漢書屢有此字見董仲舒傳咸宣匈奴等傳飄飄愧此

身不闕輕紱冕

洙曰冕冠冕也紱朱紱也皆朝服言此身之不仕非輕祿仕也不得志而已

俱是避風塵

洙曰兵氛也竇融拔起風塵之中趙曰公以左拾遺出爲華州功曹而遂自罷官若

輕紱冕者但以風塵之警不得不避亂也一別星橋夜洙曰華陽記李冰造七星橋上應七星

三移斗柄春

洙曰公羊隱元年春王正月注春者天地開閉之端斗指東曰春趙曰以志時也斗

杓隨時而指於昏指東敗亡非赤壁洙曰周瑜爲曹公則爲春三移則三年矣作書與孫權曰昔

赤壁之役遭罹疫氣燒船自還以避惡也非周瑜水軍所能挫抑也江陵之守物盡穀殫無所復據徙民還師

又非瑜之所能敗也馬曰赤壁近江陵尹曰言**奔走為**潼關之敗兩京遂陷其禍酷烈殆非赤壁之比

**黃巾**

其部師有三十六萬皆著黃巾同日反叛炎曰黃

中以喻祿**補注**希曰非指祿山指段子璋徐**子去何蕭**山者也

**灑**

文蕭灑出塵之想**余藏異隱淪**淪注朋曰甫因奔

走避寇遂成隱淪非**書成無過鴈**淪注朋曰甫因奔

親漢求武等匈奴詭言武死後漢使復至匈奴常惠請

漢天子射上林中得鴈足有繫帛書言武等在某澤中使者大喜如惠語以責單于單于視左右而驚謝漢使

欽定四庫全書

補注杜詩  
卷二十五

三六

曰武等實在范彥龍詩寄

書雲中鴈爲我西北飛

衣故有懸鶉  
洙曰荀子曰子夏貧衣若懸鶉

恐懼行裝數

色角切蘇曰王敬恐懼行裝數煩遷挈

伶俜卧疾頻

蘇曰賈瞻伶俜

萬里不宜風土頻頻疾曉鶯工迸淚秋月解傷神  
洙曰作夢符曰伶俜失所貌

而泣見月而傷公之不得志於時可知矣蘇曰王粲觀秋月懷弟妹故里而傷神趙曰春鶯秋月人所賞觀

鶯所工者在於迸人之淚月所解者在補注希曰秋月於傷人之神則以亂離疾病之所感也

東坡夫人語今乃引此必非東坡之言也胡元任葛常之嚴敦常諸公皆以爲老杜事實者考之史傳畧不見

一事閩蜀所刊杜集又以入注余固知其僞也不敢遽去亦俾後人得以考其僞今復證以此事益可知其僞

矣  
會面嗟顰黑

洙曰李斯傳二世責問斯曰禹鑿龍門手足胼胝面色顰黑趙曰列子載楊朱



之語曰面  
目黧黑  
舍悽話苦辛  
楚古詩坎軻長苦辛  
接輿還入

楚  
洙曰論語楚狂接輿師  
王粲不歸秦  
洙曰謝靈運曰  
王粲家本秦川

貴公子孫遭亂流寓自傷情多詩曰整裝辭秦川  
林馬  
赴楚壤趙曰公嘆其不得歸長安故以王粲爲比師曰

自喻不得  
歸故鄉也  
錦里殘丹竈  
趙曰以景物明煥錯雜如錦故  
曰錦里別賦云守丹竈而不顧

花溪得釣綸  
洙曰浣花溪見上注詩其釣  
消  
洙曰一  
中

祇自惜  
趙曰消中消渴也  
司晚起索誰親  
趙曰爲況蕭  
馬相如常有消渴病  
索無親之者

又音求索之索言求誰  
伏柱聞周史  
洙曰史記周太史  
親我乎亦通以俟明識  
伏柱聞周史  
洙見秦孝公或曰

儋即老子也王康琚詩伯夷窟首  
乘槎似漢臣  
洙曰見  
陽老册伏柱史師曰柱史比王公  
查上憶

張騫詩注趙曰兩句指言王侍御上句以御史之官故用老子比之老子為周柱下史下句豈王侍御嘗使吐

蕃乎別篇有云魂斷鴛鴻不易狎龍虎未宜馴趙曰言使臣鞍查上似張騫

如駕鴻龍虎之莫能狎馴也容即挂冠至挂冠不仕交非傾蓋新日

鄒陽傳白頭如新傾蓋如故師曰時公守漢州甫往依之公一見如舊不以甫貧賤為恥故甫嘆世之黜貴不

易親近比之鴛鴻龍虎而有恥於公之傾蓋由來意氣合直取性情真浪跡

同生死趙曰言共遭亂離而為友即同生同死也無心恥賤貧洙曰樂窮通也偶然

存蔗芋洙曰蜀都賦瓜疇羊區甘蔗辛薑幸各對松筠洙曰歲寒之物也麤飯

依他日洙曰公孫窮愁怪此辰女長裁褐穩男洙曰虞窮愁

大卷書勻

趙曰四句通義言麤糲之飯依如他日所以窮愁者繼以男長女大則婚嫁之事迫矣

溯口江如練

瀟普崩切洙曰溯口岷江所經也謝玄暉詩澄江靜如練趙曰此以下言王侍御所

居也樂史寰宇記李冰擁江作瀟口瀟堰在導江縣

蠶崖雪似銀

洙曰蠶崖關名在西山也

園當翠巘野棹沒青蘋

洙曰宋玉風賦風生於地起於青蘋之末

屢喜王侯

宅時邀

洙曰一作逢

江海人

趙曰王侯宅普言之而王侍御亦在其中矣江海人公自況也

追隨不覺晚

洙曰江文通月出照園中冠佩相追隨

款曲動彌旬但使芝

蘭秀

洙曰謝玄暉少為叔父安所器重安嘗戒約子弟輩曰子弟亦何豫人事而正欲使其佳諸人莫有

言者答曰譬如芝蘭玉樹欲使其生於庭階耳安悅

何須棟宇鄰

趙曰陶淵明答龐參軍四言詩

歡心孔洽棟宇惟鄰公居在成都山陽無俗物洙曰向

浣花注侍御在導江故有此句秀與嵇

康爲竹林之游作思舊賦云濟黃河以泛舟鄭驛正留

賓趙曰史記鄭莊爲太子舍人嘗置驛出入並鞍馬光

輝參洙曰一席珍洙曰鮑明遠云鞍馬光照地重遊先

主廟洙曰見謁先主廟注師曰自此句以下甫又傷嚴

足更歷少城闈洙曰少城石鏡通幽魄洙曰見石琴臺

隱絳唇洙曰文君挑琴心事鮑明遠蕪城賦若夫歌堂

趙曰蜀王葬其妃徇以石鏡送終惟糞土結愛獨荆榛

琴臺則司馬相如彈琴之所

置酒高林下

師曰自此句以下  
敘甫之依王也

觀碁積水濱

趙曰此以  
結上句初

以石鏡送終今墓中之人已糞土矣以琴結夫婦之情  
今則徒生荆棘矣既往之亭為可弔則置酒觀碁以遣

懷區區甘累趼

洙曰謂奔走避難故累趼也趙曰莊子  
云百舍重趼而不息鄭曰趼古典切

稍稍息勞筋

蘇曰秦伯犁歸永嘉十餘年謝絕人事杜  
門者書人勸其仕秦曰邇來漸覺耳目清

爽勞筋稍息  
何再為耶

網聚粘圓鯽絲繁煮細蓴

洙曰蓴菜也陸  
雲曰千里蓴美

趙曰此又言歸成都之樂也  
本草云鯽魚合蓴作羹食良

長歌敲柳癭

洙曰柳癭木  
之節目如疣

鄭曰癭於  
郢切瘡也

小睡凭藤輪

洙曰蒲團也  
以藤為之

農月須知課田家

敢忘勤

忘無  
放切浮生難去食

洙曰洪範八政一曰食食  
者萬物之始人之所本

良

會惜清晨

洙曰曹子建名都賦雲散還城邑清晨復來還

列國兵戈暗今王德

教淳安聞除猱猱

鄭曰上烏八下勇主切獸名修可曰兩雅猱猱類軀虎牙食人迅走山海

經曰少減山有獸狀似牛而赤身人面馬足名曰窳窳聲如嬰兒則窳窳自是一獸注引窳窳證猱猱非也師

曰猱猱比盜賊當從爾雅說

休作畫麒麟

洙曰見今代麒麟閣注趙

志於繪畫麒麟閣上也

洗眼看輕薄

趙曰輕薄言交道之不終者蓋公有激而云

虛懷

任屈伸莫令膠漆地萬古重雷陳

洙曰古詩以膠投漆中誰能別離此後漢

陳重與同郡雷義同為舉辟更相推讓鄉里為之語曰膠漆自為堅不如雷與陳趙曰公之望王侍御者至矣

補注杜詩卷二十五